

सानसेयारि "बड'सा" खीरालाइयाव
समाजयारि जिउजो लोब्बा थाबाय रायथाय, बन्थाय,
सल', सल'बाथा आरु देवबायारि थाबनि, पार्क
बाइदिबि स्यायव लिउनाय लिउबिबां दैथाय हर/
सानसेयारि "बड'सा" खीरालाइया खेबखानाने
फोसावगोन।
बड'सायव लिउहरनायबि हुबा खालाम,
"बड'सा" खी नौथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Monday ★ 13 September, 2021 Kokrajhar, BTC, Assam ★ Vol.- 31, Issue No. 169 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गोरोन्थि फोसावनाय

थानाय 10 सेप्टेम्बरखालि
सेबखानाजानाय "राइज्यो
सरकारआ नाव जाब्रथाय
जानाय जाथायखौ गो जो
थाखोनि संदानगोन: सर्बानन्द
सनवाल" खौरां लारिया
गोरोन्थिये सेबखानाजानांमोन।
मख'नो गोनांदि, खौरां
लारिरि सर्बानन्द सनवालनि
सोलाइये उ हिमन्त शर्मा
होनानैसो सेबखानाजानांमोन।
गोरोन्थिये सेबखानाजानायनि
थाखाय निमाहा बिबाय।

सुबु आफाद
लिरगिरि, समाज
सिबियारि महेश कुमार
ब्रह्मआ रुंसारि जाबाय



बिजनी, 12 सेप्टेम्बर:
बिजनी जिल्ला बर' थुनलाइ
आफादिनि मोखां लाइसि
बागदुवार थान्दिनि गिबिसि
सुजुगिरि, गागि थुनलाइगिरि,
आजिरा मोनाय फोरोगिरि,
समाज सिबियारि बिजनी
(□ 5 बिलाइआव)

डिमाकुसिआव लामानि
जाब्रथायाव सासे
सुबुनि जिउ खहा

उदालगुरी, 12 सेप्टेम्बर:
उदालगुरी जिल्लानि सिडव
थानाय डिमाकुसि ओन्सोलाव
मोनसे गिखंथाव लामानि
जाब्रथायजो सासे सुबुआ
अबथियै जिउ गोमानो गोनां
जायो। जिउ गोमानाय
सुबुखौ राम कृष्ण भुमिस
(□ 5 बिलाइआव)

बि जे पि दोलोआव हाबखानायनि उनाव
भवानिपुरबियाबनि बारग' एम एल ए फनिधर
तालुकदारआ बियाबाव दाबायहदो



भवानिपुर, 12 सेप्टेम्बर: ए आइ इउ डि एफ दोलोखौ
नागरानै आरु एम एल ए मासिखौ नागरानै भवानिपुर बिधान
सभा बियाबनि बारग' एम एल ए फनिधर तालुकदारआ बि जे
पि दोलोआव हाबहैनायनि उनाव दिने गिबि खेबनि थाखाय
बियाबाव नायगिदिहैयो। (□ 5 बिलाइआव)

धुबुरीआव पुलिसनि
गुलिआव सासे डाकाटि थैदो

गुवाहाटी, 12 सेप्टेम्बर: एन्काउन्टर जाथायखौ फिन खेबसेबाव
आसामव नुनो मोनाय जादो। धुबुरी जिल्लानि बिलाशिपारायाव
वे जाथाय सोमजिदो। हरआव पुलिस आरु सा 6 सोद्रोमानि
डाकाटिफोरनि गेजेराव गुलि गावलायनायाव सासे डाकाटिआ
थैदो। जाथायखौ मिथिनो मोनाय बादिथै माबेबा उत्तरखामानि
सोरजिहोनायनि थांखिजो डाकाटिनि हान्जाय बाइकजो सापरनिफ्राय
बिलाशिपारासिम फेदोमोन। (□ 5 बिलाइआव)

राइज्योआव जनजातिफोरनि जिउखानाय जौगाखानायनि आयदाखौ
लानानै गिबि मन्थिजो सावरायलायदो मिरु मन्थि अर्जुन मुन्दाया

मिरुनि बान्जायनायाव राइज्योआव गोदाने गं 7
एकालव्य आदर्श फरायसालि गायसनगोन: गिबि मन्थि

दिसपुर, 12 सेप्टेम्बर: आसामनि गिबि मन्थि उ
हिमन्त बिश्व शर्माजो मिरुवारि जनजाति अन्साय
बिफाननि मन्थि अर्जुन मुन्दाया दिने गुवाहाटीनि
कन्याधारयाव थानाय 1 न राइज्योयारि आलासि थाप्रायाव
खुंफुंजानाय मोनसे जथुमआव जनजातिफोरनि
अन्सायनायनि थाखाय राइज्योआव बाहायजानाय मिरु
सरकारनि गुबुन गुबुन बिथांखिफोरखौ लानानै
सावरायलायनायजो लोगोसे फेगो समाव राइज्योआव
आजावनानै लानो गोनां गुबुन गुबुन थांखिफोरनि
आयदायवबो सावरायलायो। वे सावरायलायनाय जथुमनि
जागायजेन्नायावबो ट्राइबेल क-अपारेटिभ मार्केटि
डेभेलपमेन्ट फेडोरेसन अफ इन्डिया लिमिटेड (ट्राइफेड)
नि सामलाय बिबानगिरि प्रबिर कृष्णआ आसामाव
बाहायजानाय बिथांखिफोरनि मोनसे जर'खा
बिजिनयायखौ आजावनानै लानायजो लोगोसे थांखिलाइ



लानाय बिथांखिफोरखौ लानानै मोनसे गुवार
प्रेजेन्टसन होयो। वे सावरायलायनाय
जथुमआव गिबि मन्थि उ हिमन्त बिश्व
शर्माया बुंथियोदि, हादरनि गासैबो थाखोनि

सुबुफोरनि जौगानायनि थाखाय
हादरनि गाहाय मन्थि नरेन्द्र
मदिआ सिमां नुनायफोरखौ
(□ 5 बिलाइआव)

डिमाकुसिआव सुबुं लांखारनायनि
सायाव सांग्रांथियारि हाबाफारि खुंदो



उदालगुरी, 12 सेप्टेम्बर:
मोनसे गोमो समाज
दाफुंनगोब्ला बयनिबो हेफाजाब
होलायनाया गोनांथार। जो
गासैबो गावनि मुलाम्फानि
थाखायल'खामानि मावालासेनो
गासैबो समाजनि जौगाखानायनि
खामानि मावोब्लासो मोनसे
समाज एबा रज्योयाव गोजोन-
खौसेथि फेगोन। जोनि मोन
100 नखरनि गेजेरावबो मोनसे
नखरा समाज बेरेखा
खामानियाव आखाय होयोब्ला
वे समाजखौ जो माब्लाबावो

भुपेन्द्र पाटेलआ गुजराटनि गोदान गिबि मन्थि सायख'जाबाय
दिने गुजराटनि गिबि मन्थि
मासिनि समायखिरा लागोन

गोदान दिल्ली, 12 सेप्टेम्बर:
गुजराटनि गिबि मन्थि बिजय
रुपाणीआ मासि एंगारनायनि
उनाव राइज्योआव गोदान गिबि
मन्थि सायख'बाय। गान्धी
नगरआव दोलोनि गाहाय
मावखुलिआव एमएलए
हान्जानि जथुमआव गोदान
गिबि मन्थि मासिनि थाखाय
भुपेन्द्र पाटेलखौ सायख'यो।
(□ 5 बिलाइआव)



कक्राझार जिल्ला बर' सिने आर्टिस्ट एस'सिएसननि
गोदान आफादिनि समायखिरा लानाय हाबाफारि

कभिड महामादिआव फावगिदिफोबु खंखान्थिजो मोगा-मोगि जाबांदो

कक्राझार, 12 सेप्टेम्बर:
मुलुगनाडै जो लोगोसे
राइज्योआव कभिड-19
महामारिनि थासारिनि जाहोनाव
बर' सावथुननि
फावथिनागिरि(बर' सिने
आर्टिस्ट)फोरा खंखान्थिनि
जेनाजो मोगा-मोगि जादो।
बेनिखायनो बिसोरो राइज्यो
सरकारनिफ्राय बर' सिने
आर्टिस्टफोरा खंखान्थियारि



हेफाजाब होनो थाखाय आर'ज
खालामदो। कभिड-19
थासारिनि थाखाय थानाय 2020
माइथायाव मोनसेबो बर'
सावथुन दिहन्नो हायाखै आरु
सोलिफु 2001 माइथायाव
मोनब्रैल' बर' सावथुनफोरखौ
दिहन्नो हादो। मख'नो गोनांदि,
(□ 5 बिलाइआव)


निमातिघाटनि नाव जाब्रथायजो लोब्बा
गोनां सा 6 सुबुंखौ हमबाय

गुवाहाटी, 12 सेप्टेम्बर:
राइज्योनाडै दुखुनि साया
सोरजिहोनाय निमातिघाट नाव
जाब्रथायखौ लानानै सिप्रोमनाय
हाबाफारि लानाय नुनो मोन्दो
पुलिसखौ। वे आयदायावबो
निमातिघाट नाव जाब्रथायजो
लोब्बा थानाय बिबानगिरि
थाखोआव होखारनायनि सा 6
सुबुंफोरखौ हामो। जरहाट
पुलिसआ थानाय हरव हम्नाय
सुबुंफोरखौ धनबर दास, जगेन
दास, बिजु कुमार दास, जयन्त
दत्त, बिनद बरुवा आरु बाबुल
नेवग होन्नानै सिनायथिनाय
जादो। राइज्यो सरकारनि बिथोन
बादिथै जरहाट पुलिसआ

क्रिमिनेल केस थिसन्यायनि
बिथायाव बिसोर सुबुंफोरखौ
हमो। फोरमायना होयोदि,
धनबर दासआ जाब्रथाय जानाय
नावनि सालायगिरिमोन। गुबुन
(□ 5 बिलाइआव)

कक्राझार जिल्ला बेंगिरिआ कभिड-19 भाइरासखौ
होबथानो थाखाय 100% भेक्सिन होनायनि राहा लादो

कक्राझार, 12 सेप्टेम्बर:
हादोर नाडै नो माहामारि
कभिड-19 भाइरासनिफ्राय
रैखाथि मोनो थाखाय गाहाय
मन्थि नरेन्द्र मदिआ बेसेन
नाडजासे हादोरनि साप्रोमबो
सुबुंफोरनो भेक्सिन होनाय
हाबाफारि लानायजो लोगोसेनो
कक्राझार जिल्लायावबो भेक्सिन
होनाय हाबाफारिखौ गोखौसिन



खालामदो। दासिमाव कक्राझार
सुबुंफोरा सेथि ड'जखौ
लानायजो लोगोसे 71,573

बावसा जिल्ला बर' थुनलाइ आफादआ मेट्रिक
आन्जादआव उधिसारनाय फरायसाफोरखौ बरायदो

बावसा, 12 सेप्टेम्बर: गुबुन
गुबुन बोसोरनि बादिनो
देगलायबो बावसा जिल्ला बर'
थुनलाइ आफादा मेट्रिक
आनजादाव उधिसारनाय
जिल्लानि मादावनो टप 10
मासि आवयिनो हानाय
फरायसाफोरखौ बरायो आरु
छाया साहा गोसोखां बान्था
रानायजो लोगोसे बरबरी गुदि
बर' थुनलाइ आफादिनि
बेन्दोनिफ्राय सेथि थाखोआव
उधिसारनाय फरायसाफोरखौ
मान बाउनय हाबाफारिखौ नेहरु
गोजो फरायसालियाव खुंफुनाय
जायो। मख'नो गोनांदि बावसा
जिल्ला बर' थुनलाइ आफादिनि
आफादिगिरि सरत चन्द्र
रामसियारोनि मासि



सामब्लायनाय वे हाबाफारियाव
बर' थुनलाइ आफादिनि बारग'
लेखइ आफादिगिरि दिपक कुमार
बसुमतारीया गेवलां मेलाव
बेखेवगिरि महैरे बाहागो लानानै

गावनि बिबुंथियाव बुडेदि-
हारि, हादोर आरु ओनसोलनि
बायदि बिथिनि जौगाथानायनि
थाखाय खामानि मावबो
(□ 5 बिलाइआव)

कक्राझारआव पन्डिचेरि मुलुग
सोलोसालिनि बर' फरायसाफोरनि गिबि
खेब लोगो हमलायनाय हाबाफारि खुंदो



कक्राझार, 12 सेप्टेम्बर:
पन्डिचेरि मुलुग सोलोसालिनि
सेनियर आरु बारग' बर'
फरायसाफोरा गिबि लोगो
हमलायनाय हाबाफारि खुंदो।
कक्राझार बिगियान
फरायसालिमानि अडिटरियाम
हलआव थानाय 11
सेप्टेम्बरखालि मेहेर गोनाडै
खुंफुंजे फरायसाफोरनि लोगो
हमलायनाय वे हाबाफारिखौ।
वे हाबाफारिखौ खुंफुनायनि गुबै
थांखिया जाबाय पन्डिचेरि
मुलुग सोलोसालिनि बारग'
फरायफोरनि गेजेराव फोनांजाव
आरु खौसे खालामफिन्नाय। वे
जथुमनि गेजेरजो नो फरायसा
आफादआ उरनि एलुमनि एबा
लोगो हमलायनाय हाबाफारिखौ
उदालगुरि जिल्लायाव खुंफुंनो
थाखाय थि खालामनाय जायो।
(□ 5 बिलाइआव)

करिमगन्जआव रेलआव
बार्मिस सुफारि बोखांदो

गुवाहाटी, 12 सेप्टेम्बर: बार्मिस सुफारिनि माखासे बस्था एबा
ट्रक नड, वे खेबआव बार्मिस सुफारिजो आबुं गंसे रेल हमनो
मोन्दो मोनसे स्टेसनआव करिमगन्जनि बदरपुर रेल जंशनआव
बोखांनो मोन्दोमोन मोनसे सन्देह गोनां बार्मिस सुफारिजो आबुं
जानाय माल लांग्रा रेल गारिखौ। करिमगन्ज पुलिसआ स्नोद सुतुं
मोन्दोमोनदि, वे ट्रेनजो मनिपुर आरु त्रिपुरानिफ्राय गोबां बिबाडव
बार्मिस सुफारिखौ आइन बेरेखायै (□ 5 बिलाइआव)

कक्राझार-चिरां जिल्ला श्रीमन्त शंकरदेब संघनि
बान्जायनायाव आर'ज गाबनाय हाबाफारि खुंदो

बासुगाव, 12 सेप्टेम्बर: गोदो-गोदायनिफ्रायनो
गोथार भाद्र दानव खेबफ्रोमबो रबिबाराव आर'ज
गाबनाय हाबाफारि लानाय जायो। बेखौ लोब्बा
लाखिनानै कक्राझार जिल्ला आरु चिरां जिल्लानि
नाम न'आव आर'ज गाबनाय हाबाफारि लानाय
नाम न'आव आर'ज गाबनाय हाबाफारि लानाय नाम
जायो। मख'नो गोनांदि शंकरदेब संघजो लोब्बा
न'आवबो ब्रैथि (□ 5 बिलाइआव)

थानाय साप्रोमबो सिबियारि आरु बिबानगिरिफोर
आरु सरकारि साखिआवलाफोरा खेबफ्रोमबो
रबिबारावनि बन्द' समाव वे आर'ज गाबनाय
हाबाफारिखौ लाबोबाय थाबोदो।
बासुगाव सोहोराव थानाय नाम
न'आवबो ब्रैथि (□ 5 बिलाइआव)

बावसा जिल्ला
आक्रासुआ मोनसे
मावफुं मेल खुंदो

बावसा, 12 सेप्टेम्बर: बावसा
जिल्लानि आक्रासुनि मोनसे
मावफुं मेल खुंफुनाय जायो। वे
मावफुं मेलखौ आफादिगिरि
कपिल देव सिंहनि मासिगिरि
सामब्लायनायाव खुंनाय जायो।
वे मावफुं मेलाव बावसा जिल्ला
कच-राजबंशा फरायसा
(□ 5 बिलाइआव)

सुबुंफोरा नैथि ड'जखौ
लाखांबाय। मख'नो गोनांदि
जिल्ला नाडै नो गासैबो
सुबुंफोरखौ टाउन-सोहोरजो
लोगोसे गामि ओन्सोलेफोरवबो
भेक्सिन होनायनि असिलायै
मोनफ्रोमबो भट सोग्रा
मिरुफोरजो लोगोसे मोनथाम
बियावफोराव भेक्सिन लायै
(□ 5 बिलाइआव)

सुजुगिरिनि खोलोम

जौ-जुवाया समाजखौ बेंगुरा खालामो

मिबिथिस्लाबे समाव बाइदिसिना जाहोन आरो फोबॉनि समफ्राव लोगो लोब्वानि गेजेरजौ रंजानाय-बाजानाय आरो दिखार दाहानि समफ्राव फेग्रा मुवा जानाय, लॉनायनि हुदाया लाइमोन फोलेरखोल' खैफोदनि बांग्रि ख'बाव खोखलैयाखै-समाजनि गासै थाखोयावनो अलखद लाबोदों। आधिकालाव फेग्रा मुवा बाहायनाया जेरै बांबोदों बिबिदो बेनि ज'गायनायाबो सानफा एफा एरलाबबोदों।

जौखौ गात्रिनि अनगायै रावबो मोजा बुड, बुंबोयाखै! जायखौ जौसाय होन्नानै बुडो बे जौसायाबो जौखौ मोजा होन्नानै बुड-बुंगोनसो गोसा, गोखै, सायनाय, गोले, गोरा, नोरोम खामनाय बाइदि बाइदि। नाथाय जौखौ गात्रि होन्नानै बुंग्रा मानसि नागिरनानै मोनाय नड जायफ्रा जौखौ लोफेराखै। बेजों गोरबनाय गौतम बुद्ध बोसोन होनाय-नोनि गथ'नो आं जिउ होफिनो हागौ, होफिनगोन, नाथाय नों बै गामिनि नख'रफ्राव सोहै, बेनिफ्राय खिन्थाफै बबे नख'राव सासेबो मानसि थैयाखै। -गथ' थैजानाय बिमाया सासेबो मानसि थैफेरै न'खर नाइगिरनानै मोनाखै। बेनि ओंथिया बेनो मानसिया बेराम-आजार जानानै, बोरायनानै थैखायो-बेयो अराय सैथो। नाथाय रायखानांगौया बेसोदि-लोमजानाय, बेराम-आजार सोखानो दिहुनाय मुलिफ्राव एलक'हल थाफायो। थानानै थासान्दियाव लोमजाफेरै मानसि नागिरनानै मोनांगौया गोब्रा। बे बिथिडे मानसिनि देहायाव एलक'हल मुवाया हाबफाखायो।

बेराफासै जौखौ बर' हारिमुनि एंगारथावयै बाहागो होन्नानै सान्नाय जायो। बोथोरनि बैसागु दमासि फोबॉया दंखायो, थावाय थागोन बर' हारिया जेसे गोबाव जोरगोन। बेनि अनगायैबो हाबा-खेराय जेरावबो जौ बाहायनाय जायो। नाथाय जेनाया नुजादों गोबांद्राय बाहायनायनि जिबाउनावसो, जानाय लॉनायनि थाखो आरो पर्दा गैयैयावसो। बोथोर बादालि, फोबॉफ्राव फेग्रा-मुवा बाहायनाय आरो जगायनाय फासै समाजनि गोरों गोरों, राइजो-राजाफ्रानो होबथानाय आरो थि बाहायनायनि राहा लानांसिगौ इयुन जोलैसाफोरनि गोगो इयुननि थाखाय।

दिनेनि फानजामुधि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** जिउआव बायदिसिना सान्नायफ्रा नाखेबनानै गोसोआव दुखु सोमजि होनो हागौ। लोरबां दाजा।
- वृष:** सोरबा लोगो जौ बबेबा थानांनो हागौ। सांग्रां जानानै आगानखौ सुलनांगोन।
- मिथुन:** गोजान जायगायाव दावबायहैनो मोनगोन। गोसोखौ गोजोन्नाय मोनगोन। मोजां दिन।
- कर्कट:** फिसाया फरायनायाव मोजाडे उथिसारनो हायै जागोन। गोसोखौ सांथि मोनाय नड।
- सिंह:** गारिफोर सालायोब्ला सौदावनो हागौ। जैरैथिबो सांग्रां जानानै आगान सुरुनांगोन। साबधान जा।
- कन्या:** रांखावरियाव गोहो-बोलो मोनफिनो हागोन। नख'र संसारा सांथिआव फैगोन। मोजां सम।
- तुला:** मानिबा थाखाय गोसोआव दुखु मोनखानो हागौ। जेखि जाय गोसोखौ हम्था।
- बृश्चक:** मोजां हाबा मावनो हानायनि थाखाय मान होजानो मोनगोन। गोसोखौ गोजोन्नाय मोनगोन।
- धनु:** नाड-फाड औरैनो दावबायनानै रां खहा जानो हागौ। गोसोखौ लोरबां दाखालाम।
- मकर:** रंजुबाजा खालामनानै समखौ हगार हसनो हागोन। फाफ्रोमथिबो मोजां।
- कुम्भ:** माबा मोनसे मोजां दोहोन आरजिनानै लानो हागोन। गोसोआ गोजोन्नाय मोनगोन। मोजां दिन।
- मीन:** जेरावखि खालामा मानो गात्रिआव गोखै जानो गिनांगौ। फाफ्रोमथिबो साबधान जा।

भारतआव गं 5 बयनिखुइबो लागजारी ट्रेनफोर दड



गोदान दिल्ली, 12 सेप्टेम्बर: ट्रेनखौ सरासन्सा सुबुंफोर गाखोग्रा आरो निखावरिफोरनि लामा बुनाय जायो। नाथाय माखासे सुबुंफोरा मोनथियादि, भारतआव माखासे ट्रेनआ औरैबायदिबो दड। जायनि भायाय लाख लाख रां जायो। बे बाध्राखौ खोनानानै साफ्रोमबो गोमोगोन, नाथाय बियो नंगुबै। हादतआव बयनिखुइबो बेसेनगोनां मोन 5 लागजारी ट्रेनफोर दड। जुदि रजा-महाराजाफोर बायदि शाही आखुआव ट्रेन दावबायनायनि गोजोन्नायखौ लानो



हास्थायदोब्ला बे ट्रेनफोरव दावबायनो हागोन। महाराजा एक्सप्रेसआ भारतनि बयनिखुइबो लागजारी आरो बेसेनगोसा ट्रेन। बे ट्रेनआ जेरै मुं एरैनो बेवहाय दावबायनो हायो। बे ट्रेनआव दावबायनो हास्थायनाया साफ्रोमबो भारतीयफोरनि सिमां जायो। मख'नो गोनादि, बे ट्रेनआव मोनसे गिदिर डार्डिन रुम, बार लाउन्ज आरो

एलसिडि टीभिआ दड। बेजों लोगोसेनो ट्रेनआव इन्टरनेटनि सुबिदाबो दड आरो लागजारी बाथरुमबो बानायदों। महाराजा एक्सप्रेसनि बयनिखुइबो जर'खा बाध्राया बेदि बेवहाय डायल फननि सुबिदाबो दड। बे ट्रेनआ गावनि दावबायारिफोरखौ रजथावनि दिल्लीनिफ्राय लानानै आग्रा, वाराणसी, जयपुर, रणथम्भौर, जयपुर आरो मुम्बाइआव लानानै थाखे। बे ट्रेननि मिनिमाम भारया गासै 5,41,023 रां। ट्रेननि प्रेसिडेन्सियेल सुइटनि बेसेना गासै 37,93,482 रां, जाय बे ट्रेननि मेक्सिमाम भारबो। पेलेस अन वील्सआ मुलुगनि बयनिखुइबो लागजारी ट्रेनफोरनि गेजेराव मोनसे। पेलेस अन वील्सआव गोदान मुगानि जिउ खानायनि गासिबो



सुबिदाफोरा दंफादेरो, जेराव गंने डार्डिन रुम, रेस्टुरेन्ट, बार आरो सलुनआ दंफादेरो। भारतीय रेलनि गेजेरजौ सालायनाय बयनिखुइबो लागजारी ट्रेनफोरनि गेजेराव बे ट्रेननि मुडबो दंफादेरो। पेलेस अन वील्सआ हादतनि रजथावनि दिल्लीनिफ्राय आग्रा, भरतपुर, जधपुर, जेसलमेर, उदयपुर चित्तौड़गढ़, सवाई माधपुर आरो जयपुरआव फैयो। बे ट्रेननि भारया 5,23,600 रांनिफ्राय जागायनानै 9,42,480 रांसिम जायो। रयल रजस्तान अन वील्सआ भारतीय रेलवेनि गेजेरजौ सालायजानाय मोनसे लागजारी ट्रेन। रजस्तान पर्यटन एबा भारतीय रेलनि गेजेरजौ बे ट्रेनखौ सालायनाय जायो। बेयो फाइव स्टार हटेल बायदि सुबिदाखौ होयो। बे ट्रेनआव दावबायग्रानि थाखाय



टिकेटनि मिनिमाम भारया गासै 3,63,300 रांनिफ्राय जागायनानै गासै 7,56,000 रांसिम जादों। डेक्कन अडिसिआ मुलुगनि बयनिखुइबो लागजारी ट्रेनफोरनि गेजेराव मोनसे। बे ट्रेनआ महाराष्ट्र रजस्तान आरो गुजरातआव थाखे। बे ट्रेननि मिनिमाम भारया गासै 5,12,400 रां आरो मेक्सिमाम भारया गासै 11,09,850 रां। दा गल्डेन चेरियटनि ओंथिया जादों सना रथ। जेरै बेनि मुं बेबायदिनो



बेवहाय सुबिदाफोराबो दड। भारतनि अनगायै फुरा मुलुगनि बयनिखुइबो मोजांसिन ट्रेनफोरनि गेजेराव थाफादेरो। दा गल्डेन चेरियट ट्रेनखौ भारतीय रेलवे आरो कर्नाटक सरकारआ जुथाय महरै सालायो। बे ट्रेनआ खोला भारतनि कर्नाटक, केरला, तालिमनाडु, पुडुचेरी आरो गवायाव थाखे। बे ट्रेननि मिनिमाम भारया गासै, 3,36,137 रां आरो मेक्सिमाम भारया गासै 5,88,242 रां।

करना पजिटिभ जानानै 30 साननि गेजेराव जिउ गोमायोब्ला करनाजों थैनाय गनायथिनाय जागोन

गोदान दिल्ली, 12 सेप्टेम्बर: 19 नि जाहोनाव देहा फाहामसालियाव थिसनजानांदों आरो मोजां जानायनि उनावबो करनाजों लोब्ला गोनां जेनाफोरखौ भुगिनानै जिउ गोमायोब्ला, बेबायदि थैनायफोरखौ करनाजों थैदों होन्ना गनायथिनो थारिख लानांगोन। बेनि उनाव सावस्ति आरो नख'र जौगाखां मावख' आरो इन्डियान काउन्सिल फर मेडिकेल रिसार्चआ 3 सेप्टेम्बरआव गोदान नेमखाथि खाना होयो। सरकार आथिखालाव करनाजों थैनायनि लोब्लायवाव गोदान साकुलार फोसावदों। गाइलाइनाव बुंदोदि, कभिड-19 सन्देदों होन्ना

रोखा मिथिनायनि उनाव जुदि देहा फाहामसालिनिफ्राय छुट्टी जाखाडोब्लाबो 30 साननि गेजेराव जिउ गोमायोब्ला बिखौ कभिडजों थैनाय मानिना लानाय जागोन। गाइलाइन्सनि बादिब्ला, आर टि पि सि आर टेस्ट एबा एन्टीजेन टेस्ट एबा क्लिनिकल गहजों नायबिजिसायाव कभिड-19 पजिटिभ मोनोब्ला, बिखौ कभिड-19 मानिना लानाय जागोन। नाथाय लोगोसेनो बुंबावेदि, जुदि थैनायनि जाहोना बिष लॉनाय, सुइसाट एबा एक्सिडेन्डब्ला कभिड टेस्ट नायनायाव पजिटिभ मोनोब्लाबो कभिड-19 मानिनाय जानाय नड।

हादतआव करनानि गोदान केसआ फिन दावखलायदों



गोदान दिल्ली, 12 सेप्टेम्बर: भारतआव कभिड-19 नि गोदान केशनि अन्जिमया थांनाय सानथामनिफ्रायनो सरासन्सा दावखलायनाय थिसनजादों। मिरु सावस्ति मावख'आ फोसावनाय अन्जिमा बादिब्ला थांनाय 24 घन्टयाव 28,591 गोदान केस मोन्नायजों लोगोसे सा 338 सुबुंफोरनि जिउ गोमादों। फारसेथिं बे सानाव करना भाइरासनि केसफोरखौ लाफानानै हादतनि गासै एक्टिभ केसआ 3,32,36,921 जाबाय। बेनि अनगायै हादतआव मोजां जानाय बेथिफोरनि अन्जिमया 3,24,09,345 जाबाय। फारसेथिं थैनाय अन्जिमया सा 4,42,655 जाबाय। रिपर्टनि बादिब्ला, करनानि एक्टिभ केसनि फारिलाइयाव मुलुगनि गेजेराव भारतआ 7 थियाव दड आरो गासै एक्टिभ केसनि फारिलाइयाव भारतआ नैथियाव दडआरो थैनायनि फारिलाइयाव आमेरिका। ब्राजिलनि उनाव


9/11 उतखारि गाग्लोबनायनि 20 थि बोसोरारि सानआव फ्रिन्स हेरी आरो मेगनआ बिबार बाउदों

वाशिंग्टन, 12 सेप्टेम्बर: आमेरिकायाव उतखारिनि गोखों गाग्लोबनायनि बोसोरारि सानआव फ्रिन्स हेरी आरो मेगन मार्कलआ बे गाग्लोबनायाव जिउ गोमानायफोरनो बिबार बावदों। निउयार्क सहरआव वाल्ट् ट्रेड सेन्टरआव 2001 नि 11 सेप्टेम्बरआव उतखारिफोरनि गाग्लोबनाया 20 बोसोर बारलानायनि उनावबो बे गिखंथाव जाथायखौ सुबुंफोरा बावनो हायाखै। ड्युक एन्ड डचेस अफ ससेक्सआ दुखु नांथाव बे गाग्लोबनायाव जिउ गोमानाय सा 3,000 सुबुंफोरनो बिबार बावदों। फ्रिन्स हेरी आरो मेगन बिसि-फिसाय जरासेया वाल्ट् ट्रेड सेन्टर, पेन्टगन आरो इउनाइटेड प्लाइट 93 आव थैनाय गासै सा 2,977 सुबुंफोरनि मुंखौ गावसिनि आर्कवेल फाउन्डेसन वेबसाइटनि हम्पेजआव फारिलाइ खालामदों। बे उतखारि गाग्लोबनायनि 20 थि बोसोरारि सानखौ सिनायथिनो थाखाय



पेजनि मुंखौ इन मेमरियाम' दोन्दों, हेरीनि बिबै महाराजि थामथि एलिजाबेथआबो बे दुखु नांथाव जाथायाव भुगिनांनय सुबुंफोरनि थाखाय आर'ज गाबो आरो गावनि हामब्लाइथिखौ बावहरो। बे सानखौ फालिनो थाखाय इलेन्डआव मोनसे जर'खा फोबॉबो खुंनाय जादोंमोन। मख'जाथावदि, इउएसपया गावनि जारिमिनाव बयनिखुइबो गिखंथावसिन उतखारिनि गाग्लोबनायजों भुगिनांदोंमोन। बे जाथायखौ 102 मिनटनि फारगथियाव अल कायदानि सा 19 उतखारिफोर मोगथां महर होदोंमोन। बिसोरो गं ब्रं कमारसियेल उरं जाहाजफोरकौ हाइजेक खालामदोंमोन आरो गै उरं जाहाजखौ निउयार्कनि वाल्ट् ट्रेड सेन्टर टवाफोरव सौग्राव होदोंमोन। गंसेबाव उरं जाहाजखौ पेन्टागननि सोनाब दिगजों सौग्रावहोदोंमोन आरो ब्रैथि उरं जाहाजसिम गावसिनि थांखि लानायसिम सौहैनायनि सिगांनो पेन्सिलवेनियाआव जाब्रवथाय जादोंमोन।

सा-इराकनि इरबिल एयारपर्टनि खाथियाव बेरफ्रुग्रा बेसादजों बुंफबनाय ड्रनजों गाग्लोबदों



इराक, 12 सेप्टेम्बर: इराकनि सा-ओन्सोलआव थानाय इरबिल इन्टरनेसनेल एयारपर्टनि सायाव ड्रनजों गाग्लोबो। जागायजेन्नायाव कुर्दिश सिक्किउरिटिनि फारसेनिफ्राय मोन्नाय खौराडव फोरमायनाय बायदिब्ला, एयारपर्टनि खाथियाव खमैब्लाबो मोनथाम रकेट गावहरो। नाथाय उनाव बेरफ्रुग्रा बेसादफोरजों बुंफबनाय ड्रनजों गाग्लोबदोंमोन होन्ना रोखा जायो। बेयाव जेवो रोखोमनि ख'हा जानायनि खौरं मोन्नाय जायाखै। बेयाव थानाय सुबुंफोरा बे ओन्सोलाव खमैब्लाबो 6 खेबसो बेरफ्रुनाय सोदोब खोनादों होन्ना फोरमायो। कुर्दिस्तान उतखारि होबथाग्रा हान्जाया फोरमायनाय बायदिब्ला, बे गाग्लोबनायाव गंने बेरफ्रुग्रा ड्रनजों खालामनाय जायो। सुलुंनि बायदिब्ला, बे गाग्लोबनाया एयारपर्टआव उरं जाहाज उरयनायाव जेवो गोहोम गोखैयाखै आरो सालायनायाबो सोलिगासिनो दड। बे ओन्सोलआ आमेरिकानि सांथिफोरनि एयाखेसनि थाखाय मुंदंखा आरो बेनि सायाव सिगाडवबो गोबां गाग्लोबखौबाय। आमेरिकाया बेयाव गाग्लोबनायनि जाहोना इरान मदतगिरि शियानि हेफाजाबगिरि होन्नानै फोरमायनाय जादों।

गिबि मन्थि अरबिन्द केजरीवालआ फिन खेबसेबाव आपनि माहारियारि कन्भेनर सायख 'जाबाय

गोदान दिल्ली, 12 सेप्टेम्बर: दिल्लीनि गिबि मन्थि अरबिन्द केजरीवालखौ फारिथै थामथि खेब आम आदमी पार्टी (आप) नि माहारियारि कन्भेनर सायख 'जायो। रबिबाराव जानाय आपनि माहारियारि मावसुमाफोरनि जथुमायाव पार्टीनि माहारियारि महरै केजरीवालखौ गनायथियो। फारसेथिं पार्टीनि दैदेनगिरि पंकज कुप्टाखौ फिन माहारियारि नेहाथारि आरो एनडि गुप्ताखौ फिन माहारियारि केसियार सायख 'यो। मख 'जाथावदि, शनिबाराव जालानाय आम आदमी पार्टीनि माहारियारि परिषदआ सा 34 सोद्रोमा मावसुमा आफादखौ सायख 'दोंमोन, जेराव



केजरीवालआबो दंफायोमोन। खौरनि बादिब्ला 2016 नि एप्रिल दानाव केजरीवालआ नैथि खेब पार्टीनि माहारियारि कनभेनर सायख 'जादोंमोन। माहारियारि कनभेनर महरै गावनि नैथि हाबाफारि मावनाय समाव बियो 3 बोसोरसिम पार्टीआव सिबिथाय होयो, नाथाय 2019 आव लकसभा बिसायख 'थि आरो 2020 आव दिल्ली

विधानसभा बिसायख 'थि जानायखौ नोजोर होनानै अरबिन्द केजरीवालनि हाबाफारि मावनाय समखौ 2020 सिम बारायना होनाय जादोंमोन। नाथाय 2020 आव करना इनफेक्सननि जाहोनाव आपनि माहारियारि परिषदनि जथुम्माया जायाखै मोन। सोलिफु बोसोरनि थानाय जानुवारियाव माहारियारि

परिषदनि जथुम्मायाव पार्टीनि नेमखांथियाव माखासे सोलाय-सोल 'खालामनाय जादोंमोन। बेयावनी माहारियारि कन्भेनरि हाबाफारि मावनाय समखौ 3 बोसोरनिफ्राय बारायना 5 बोसोर खालामनाय जायो। मख 'जाथावदि, माहारियारि परिषदनि जथुम्मायाव सायख 'जानाय पार्टीनि माहारियारि सोद्रोमाफोरनि सा 34 सोद्रोमाफोर पार्टीनि माहारियारि कन्भेनर महरै केजरीवाल सायख 'नायखौ गनायथि होयो, जायनि उनाव अरबिन्द केजरीवालआ फेंगो 5 बोसोरसिम आप पार्टीनि माहारियारि कन्भेनर जासिगोन।

आसामाव अफस्पाखौ 6 दाननि थाखाय बारायबाय, 1990 नि नभेम्बराव पोसावदोंमोन

गुवाहाटी, 12 सेप्टेम्बर: मिरु सरकार आसामआव रैखाथि हान्जानि जर 'खा गोहोनि नेमखांथि (एएफएसपीए)खौ 28 आगस्तनिफ्राय फेंगो 6 दानसिमनि थाखाय बारायना होबाय। आसामाव 1990 नि नभेम्बराव अफस्पा आयेनखौ जाबसिन्दोंमोन आरो बै समनिफ्रायनो रइज्यो सरकारनि गेजेरजों नाइबिजिरनायनि उनाव बेखौ 6 दानसिम बारायना होनाय जायो। आसाम सरकार अफस्पाखौ 1958 नि धार 3 नि गेजेरजों गोहोफोरखौ बाहायनानै गासै आसाम रइज्योखौ 28 आगस्तनिफ्राय 6 दानसिम एबा बेनि सिमां बोखांना लाफिनजासिमनि



थाखाय जेंना गोनां ओन्सोलफोराव फोसावयो। अदेबानि राइज्योआव अफस्पाखौ बारायना होनायनि जेबो जाहोन्खौ फोसायाखै। बेनि गेजेरजों आसाम, नागालेन्ड, मनिपुर, अरुणाचल प्रदेशनि चालां, लाई आरो तिरप जिल्लानि अनगायै आसाम सिमाजों नांजाबनाय

राइज्योफोरनि गं 8 पुलिस थाना ओन्सोलफोराव अफस्पाखौ फोसावयो। बेरा फारसे ओन्सोलाव सिभिल ससायटि आफाद आरो मोन्थायारि मावसुमाफोरा बे आयेनखौ बोखांना लाफिनो दाबि दैखां बोबाय थादों। 10 बोसोरनिफ्रायनो अफस्पाया सोलिबोदों।

हान्जाफोरा जेरावखि जाया हाबाफारि सालायनो आरो सिमां वारेन्ट होया जासे सोरखौबा ग्रेप्टार खालामनायनि गोहो मोनो। गोजोन गैयै ओन्सोलखौ फोसावनायनि उनाव राइज्योआव गोजोन बेबस्थाखौ लाखिनायनि जिम्माखौ सान्थि हान्जाफोरा मोनो। बिसोर अफस्पा नि गेजेरजों गोजोन गैयै ओन्सोलफोराव गावसोरनि जर 'खा मोन्थायफोरखौ बाहायनो हागो। सुलुंनि बायदिब्ला राइज्योनि गुबुन गुबुन ओन्सोलफोराव बुथारनाय, लुट खालामनाय आरो जिनाहारि केसफोरखौ नोजोर होनानै थांखिखौ लानाय जायो। नागालेन्डआव 10 बोसोरनिफ्रायनो अफस्पाया सोलिबोदों।

कंग्रेसनि एमएलए राजकुमारआ बिसायख 'थिनि सिगां बिजेपिआव हबदों

देहरादुन, 12 सेप्टेम्बर: 2021 नि विधान सभा बिसायख 'थिखौ नोजोर होनानै उतराखान्डआव राजखांथि हान्जाफोरा गोखों जायो। बेनि जाहोनाव गिदिर दैदेनगिरिफोरखौ पार्टीजों सरजाबनाय बिथिडव रबिबारनि सानजौफु याव उतरकाशी जिल्लानि पुरला विधान सभा मासिनफ्राय कंग्रेसनि एमएलए राजकुमारआ बिजेपिआव हबो। बिथाडा गोदान दिल्लीयाव थानाय पार्टीनि मावख 'आव मिरुयारि मन्थि धर्मन्ड, बिजेपिनि माहारियारि मिडियानि गाहाय आरो राइज्यो सभानि सोद्रोमा



अनिल बलुनी, गिबि मन्थि पुष्कर सिं थामी आरो राइज्योनि आफादगिरि मदन कौशिकनि

सिगाडाव बिजेपिनि सोद्रोमा महरै समाय खिर लायो। सुलुंनि बायदिब्ला, उतराखान्डआव

गासै 4-5 दाननि उनाव विधान सभा बिसायख 'थि जानांगो। बेनिखायनो बिसायख 'थिनि

सिगां गासै पार्टीफोर लांथियै गोखों दैदेनगिरिफोरखौ गावसोरनि फारसे बोनायाव नांथाबदों। आथिखालआव बिजेपिआ बे बिथिडाव बयनिखुइ सिगाडाव। बावयैसो सिगांसो धनल्टी विधान सभा मासिनफ्राय उदां बिजाथि महरै गसंनाय एमएलए प्रीतम सिं पंवारआ बिजेपियाव हाबखांबाय। बियो गोदान दिल्लीयाव मिरुयारि मन्थि स्मृकि इरानी आरो बिजेपिनि माहारियारि मिडियानि गाहाय अनिल बलुनीनि सिगाडाव बिजेपिनि सोद्रोमा महरै समायखिर लायो। अदेबानि बिथाडा बिजेपिआव हाबनायनि उनाव आरो गाव माखासे एमएलएफोर बिजेपिआव हाबनायनि सायाव सावरायगासिनो दड। बेनि गेजेरजों गुबुन सासे कंग्रेसनि एमएलएआ बिजेपिआव हाबबावनी हागो। बिसोर बिजेपियाव हाबनायजों आथिखालाव बिजेपिआव एमएलएफोरनि गासै अन्जिमया 57 आव सौहैयो। आथिखालाव बिजेपिनि गंगत्री विधान सभा मासिन एमएलए गपाल सिं रावत थैनायजों बिजेपिनि मोनसे मासिया लांदां जानानै दडआरो बे मासियाव लेडाइ बिसायख 'थि जायाखै।

पाकिस्तानआव गोबां अखा हदों, गं 3 न 'फोराव सारअन्थाइ गावदों आरो सा 14 सुबुंफोरा थैदों

पेशावर, 12 सेप्टेम्बर: पाकिस्तानआवबो बे समाव गोबां अखा हानायनि जाहोनाव गोब्राव जेंना सोमजिदों। बेवहाय रबिबाराव गं 3 नख 'रफोराव सारअन्थाइ गावदों। बे समाव सा 14 सुबुंफोरा थैदों, जेराव आइजोफोर आरो गथ 'आ दंफादेरोमोन। रिपर्टनि बायदिब्ला सुदुखती गामियाव थानाय न 'फोराव सारअन्थाइआ गावदों। बिबानगिरिफोरा फोरमायदोंदि, सारअन्थाइ आरो अखा खोरमनायजों लोगोसे अखाया शनिवार हरनिफ्राय जागायदों आरो रबिबारनि फुंबिलिसिम सोलिबवाय थादों, जायजों खैबर पख्तुनख्वा राइज्योनि त 'खर गामियाव गं 3 हानि न 'आ बाययबो। मख 'नो गोनांदि, हजारा डिवीजननि सिडव थानाय बे



हाजोयारि जिल्लाया सरसनसा महरै मौसुमि बोथोरनि समाव हा गिसिखानाय आरो अखाजों सोमोन्दो गोनां जाथायफोरनि मोगा-मोगि जायो। जायगानि सुबुंफोर आरो रैखाथि हान्जाया बायखोन्दा थुखाआव थाबथाना थानाय सुबुंफोरखौ बायजोयाव दिहुन्दों। बे समाव जोखोम

जानायफोरखौ एबटाबाद देहा फाहामसालियाव थिसन्दों। बिबानगिरिफोरा फोरमायदोंदि, थैनाय सा 14 सुबुंफोरनि गेजेरव आइजोफोर आरो गथ 'फोराबो दंफादेरो। मिथिगायारि खैफोद सामलायगिरि केपीकेआ गोहोम गोमलै जानाय गामिफोराव रेहायनि मुवा-बेसाद आरो रैखाथि हान्जाखौ दैथायहरदों, नाथाय हाजोयारि अ - सो ल फो रा व हागिसिखानायनि जाहोनाव रेहायनि मुवा-बेसादफोरखौ दैथायहरनायाव सम नांदों। बिबानगिरिफोरा फोरमायदोंदि, लामाफोरखौ साखोन-सिखोन खालामनो थाखाय अभियानखौ सालायदों। माहारियारि मिथिगायारि खैफोद सामलायगिरिया खैबर पख्तुनख्वा, पान्जाब, इस्लामाबाद आरो सान्जा

बलुचिस्ताननि थाखाय अखा हानायनि सांग्रिथिखौ फोसावदों। मख 'नो गोनांदि, थानाय सप्ताहयावबो पाकिस्ताननि खैबर पख्तुनख्वा राइज्योयाव गंसे न 'बिलिडंया सिलिंखार जानायनि खौराडा सोराडाव फैंदोंमोन। बे समाव बायखोन्दा थुखायाव गोदोनानै गासै सा 3 सुबुंफोरा थैदों, जेराव सा 4 गुबुन सुबुंफोरा जोखोम जादोंमोन।

पाकिस्ताननि खावसेनिखुइ बांसिन थागिबिफोरा तालिबान खुंथायखौ गनायो बाहागोयाव

गोदान दिल्ली, 12 सेप्टेम्बर: पाकिस्ताननि खावसेनिखुइ बांसिन थागिबिफोरा आफगानिस्तानआव तालिबान खुंथायखौ गनायो। नाइबिजिरा आफाद गेलप इन्टरनेसनेल एससिएसनजों सोमोन्दो थानाय मोनसे नाइबिजिरनायाव बे बाथाया सोराडाव फैंदों। बे साभैआव गासै सा 2400 निखुइ बांसिन सुबुंफोरनिफ्राय बेनि सोमोन्दै सुबुरन लानाय जायो। बिसोरनाव बे साभैनि गेजेरजों आफगानिस्तानआव तालिबान सरकार दानायजों खुसि मोन्दों नामा होनानै सौंथि सौनाय जादों? बेनि फिन्नायाव 55

जौखोन्दो पाकिस्ताननि सुबुंफोर खुसि मोनाय फोरमायदों आरो 25 जौखोन्दो सुबुंफोर खुसि गैयैफोरमोन। बेरा फारसे 20 जौखोन्दो सुबुंफोरा जेबो फिन्नाय होयाखै। बे साभैयाव मोन्नाय बायदिब्ला खेबर-पख्तुनख्वानि 65 जौखोन्दो सुबुंफोर तालिबान सरकारखौ थाखाय बयनिखुइ बांसिन मदत खालामदों। बेनि उनाव बलुचिस्ताननिफ्राय 55 जौखोन्दो आरो पान्जाब एबा सिन्धनिफ्राय 54 जौखोन्दो सुबुंफोरा बेनि बाहागोयाव गावसोरनि सुबुंफोरखौ होदों। सुलुंनि बायदिब्ला,

शहराव थाग्रा थागिबिफोरनि 59 जौखोन्दोया तालिबान सरकार दानायखौ मदत खालामदों आरो 20 जौखोन्दो सुबुंफोर बेखौ गोजोनाखै होना फोरमायदों। बेरा फारसे गामियाव थाग्रा थागिबिफोरनि 53 जौखोन्दो सुबुंफोरा तालिबान सरकारखौ मदत खालामदों आरो 28 जौखोन्दो थागिबिफोरा हँथा होदों। बे साभैयाव बाहागो लानाय 58 जौखोन्दो हौवा आरो 36 जौखोन्दो आइजोफोरा आफगानिस्तानआव तालिबान सरकार दानायव खुसि मोन्नाय फोरमायदों।

खनसे इनभेस्टमेन्ट खालामनायजोंनो जिउ जोबजासिम पेन्सननि मुलाम्फा लानो हागोन

गोदान दिल्ली, 12 सेप्टेम्बर: एनभेस्टमेन्ट लानानै इडलिप (इडनिट लिंकड प्लान) सिम माखासे बिमा सह निभेस यजनाफोर मोनो हायो। एलआइसि जिबन शान्ति पलिसिआ बिसोरनि गेजेरव मोनसे। बे जीवन बिमा पलिसियाव इनभेस्टमेन्ट खालामग्राफोरा जिउ जोबजासिम पेन्सन महरै फेसा जमा खालामनो थाखाय खाबु मोनो। बे पलिसिनि गेजेरजों सासे इनभेस्टमेन्ट खालामग्राया बे एलआइसि यजनायाव खनसे इनभेस्ट खालामनानै जिउ जोबजासे मुलाम्फा मोनो हागोन। एलआइसि जीवन शान्ति पलिसि यजनाया सासे

इनभेस्ट खालामग्रायो मोनै रोखोमनि यजनाफोरनि अफार खालामो, बेनो जाबाय इमोडिएट प्लान आरो डिफर्ड इनइटी एप्सन। गावनि बैसो बायदियै सोरबा सासे इनभेस्ट खालामग्राया बे मोनैनि गेजेरव मोनसे यजनाखौ सायख 'नानै लानो हागोन। जुदि इनभेस्ट खालामग्राया रिटायर्ड जानाय सुबुं एबा रिटायर जानोसैब्ला इमोडिएट प्लानखौ लानो बोसोन होनाय जादों। मानोना पलिसि लानायनि दानसे उननिफ्रायनो पेन्सनआ गोहोम गोमलै गोन। बे यजनायाव इडलिपनि गेजेरजों इनभेस्ट खालामग्रा नि फेसायाव बोसोरगव 6 जौखोन्दो बारायगोन।

Lost

I have lost my original Registration Certificate of AHSEC bearing registration Number 154873 of Session 2019-20. If anybody found please inform to the following address.
Sri Sansula Brahma.
S/O. Sri Binay Brahma.
Vill. Bismuri(Badrampur)
P.O. Bismuri(783370)
Dist. Kokrajhar BTC
Mobile No. 6001625298

फैमाल मिजिक

सुजुदोमोन आं मोजां
मोनलायनायनि सुखुजों
बाइदि गाबनि दोंसे,
समायना बिबारनि माला
नाथाय फैमाल....
आखायावसो ल'हे'राय लांबाय
आंनि बे समायना
बिबारनि मालाया ।
सानदोमोन आं बै बारसेल'
ग'लाप बिबाराव सिखिरि
जानानै बिबार बिदे जोबनो
नाथाय; फैमाल
आंनि मिजिक ।
मेगन गोसा बारहुंखाया
बुखारनानै लांबाय गुवार
बाला हामानि गेजेराव
माब्लाबाबो हायाखिसै
फैफिनो गिदिनानै ।
आन्दाय नांबाय आं बै
बिबारनि बागान
दैबाय लांबाय आंखौं
गुबुन मोनसे बिबार
बागानाव ।
थाबाय बोल' आंनाव
सुख' हायै हाजासे दाला
फैफिन नांबाय आं
लानानै फैमाल मिजिक ।

मुस्रि सुबिलाल दैमारि ।
गामि - दावराय बारी ।
ला:सो: - झारबिस फानि ।
जिला - सिरां ।

जानो हागौ नोंबो नडा

सोरांसि समाव नोंनि सिमां नुनाय
जेनबा मोखाथांआवसो नोंखौं लाना बेरायदो,
सान हर नोंनि समायना महरखौं सानबाइनाया
जेनबा सोरगोफुरिनि राइजोआवसो गेलेदों
नाथाय बेयोदि गासैबो गोमथांआव नडा सिमांसो ।
जानाय लौनायाव नोंखौं गोसो खानाया
समाव आंदि बवेयाव दं मिथिया
फराइनाय-लिरनायाव नोंदि अराय
मेगन सिगांआव गेलेफैयो नुफामाफा
अब्ला नोंनि सावगारी बोनायमोन आं
सना, दिनेनि बुब्लिआव जानांबाय बोदोर
एसेबां नोंनि हायना महरखौं फुजियै फुजियै
गसायनि सेराव अराय दोन्दोमोन नोंखौं मोन्थों ।
जोबथिआव जानो हागौ नोंबो खाफालाव लिरनाय
गैया ??
बयबो उदांश्री साननायाव आखाय गैया
नोंनि गोथार साननायाव आंहा आखाय गैया
सना नोंदि उदांश्री बर' सिखला
नोंनि साननाय-मावनाय जोंसोनों रजे,
थेवबो गोरोनथिखौं आंनि बिबाय निमाहा
नोंखौं आख'-फाख' खालामनायनि थांखि लाबाय
इयुनावबो बेबादि खालामलिया बिदाय,
गोजोनबाय आं गावबा गावनो दिने हाजासे ॥
नाथाय नोंदि मानो दिनेबो अखा
दिनेदि नोंखौं लानानै आं मिथिया
खोनादोना नों, दाबो नोंखौं नुयोब्ला
गोसो खायसिब मोनो
सानो बे जिउआ नोंखौंदि बोरै बावगारने ?
नाथाय नोंबो जानोहागौ खाफालाव गैया!!

मुस्रि राजिव बर' ।
सा-कामरुप कलेज, बागसा ।
ला:सो:- बाघमारा बाजार ।
जिला - बागसा (बि.टि.ए.डि.) ।

गोसो थोनायनि रंजानाय

आं थाफैबाय दिने गोदाउ सोराव
आंखौं दोनफैबाय जोनोमगिरि आइ आरो अफा
आंनो अननायजों होदोंमोन मबाइल फन;
नाथाय आं गेलेयो रंमानटिक मेल'दियाव
आंनो नांगौ प्रचान्ट लैथोमाखौं;
हमारथ' गोसोखौं सुस्लायनो हो ।
सानफ्रोमबो नागिरो आं हेन्दसाम बय
आं रायज्जायो बौसोरबादि हेन्दसामजौल';
बिजाब मेला बोलानाय सिमां सिमां नुयो;
बै सिमांआ आंनि रंमानटिक अ'वेभआव गेलेनो-
गोसोआ हास्थायो हिनाजव गोदाननि महर;
नाथाय आं दिने प्रमसनआव फेल ।
आंनि देरसिन सेरजों सोरबा सेंप्राया राव ह'रोब्ला-
आंहा सेल्प कन्ट्रल गौखाया
फावआव आंनि कुनजुगेसन ।
हास्थायदोंमोन जोनोमगिरिफ्रा
मानसि महर'नो संसाराव दोनलांफिनो नाथाय
दिने मिडजिकेल नाइटआव गोजावबाय
मिथिंगायाव समायना हाग्राखौल' नुयो समायना
मुलुगाव जायहा बांसिन मेलेमगोनां
बैसोरल' जायगा बांसिन मेलेमगोनां
सोरल' जायगा मोनसिगोन ?
नाथाइ दिने सुंद' जीउन थिंखि नोंहा ।
दुखु मोनदों दिने जोनोमगिरि आय आरो आफा;
नोंनि थाखाय आं थोजासे रां गारदोंमोन
नोंनि थाखाय आं आंनि जानायखौं गारथ'दोंमोन
समाव-सम गोसोखौंब्ला
होन्नाय आयनि आरो आफानि राव
मैया हराव आं सानदोंमोन नोंखौं
आंनि सानश्र'हायै उनदाहा लानानै;
जाहोनाव सिग्लाबदोंमोन आंनि मिजिं देराया
आं सोंदों, "जोनोम लानानै नों आदुवा
जायोब्ला हाथफला महर लानांगोन ।"
थादों सुबुं, "आं बेबादि समावल' गाब्रयो ।"
-टेनिसन बसुमतारी

(सुंद' सल')

- रसेन मोसाहारी

थांनाय दिनफोरखौं आं

आरो लेंहरफिनो हाला
समनि बाबेननायाव मानधिनि
साननाय हनाया सोलाय
नाडो । हामनाय गाराय
दाखोनखौं एरलुनो सोर
लुबैयो ? थेवबो मानोबा
गोसोआ बुरखाय जाया ।
जीउआव माब्ला समाव मा
जाथाय जायो रावबो
बुंस'हाया । जिखि जाया
जाथायानो बे बुहुमआव
फिसा नडा ।

हरखाब अनिमाजों गंसे
गारिआव एखे दाबायावनो
मोखांजों मोखां जिरायानानै
बिनि फारसे नायनो हायै
थासारिआव भुगिनांगोन बेखौं
आं सिमांआवबो
सानाखैमोन । फेनदायाव
आलो आलो उन्दुलानाय
गावनि अनथाव बाथाव
फिसाजोनि खर'आव बिलिर
बिलिर माखौंबा सानहाबानै
आंखौं अनिमाया नुनानैबो
नुयै भाव होदों । सेराव ज'नाय
अनिमानि बिगुमा रिंखां
दैमारीआ खिरखिजों
मिथिंगानि सावगारीखौं
नायनायाव मुखुब । लोगो
गोमा जानाय सुबुंआ जै जायो
बेबायदिनो दद्र दुखु निजोम
गोसोयै खिरखिजों मिथिंगानि
सावगारीखौं नायहरना आंनि
गोसोआ सानसि हैबाय बा
बोसोर आगोल सानसि
बोनाय खरसे बिलोआव ।
अनजिमाखौं आं रायदावनो
गोसो जायाखैमोन । मानोना
दिनेसिमबो गोसोनि

बोराबनायखौं खेमा
खालामनो हायाखै आं ।
मोनसे लोरबां बुब्लियाव
अनिमाया आंखौं गोसो
मोदोम जीउ गोरे बफले
होनायनि समाय
लालायदोंमोन । कलेज
फारयनाय समाव गोबां
सिखिरि सुबुंफोरानो
अनिमाया आंजों हाबा जागोन
होनना सानदोंमोन ।
अनिमानि अननायाव बै
समाव जोबोत गोथौयै
दोबेलांदोंमोन आं । अनिमानि

गोबोनि फिसिनाय दाव मैना

बिमा बिफाया अनिमाया
आंजों हाबा जागोनखौं हेंथा
दंमोन । बिगुर गैजायै
निखावरी आंबायदिनो गावनि
अनसुलि फिसाजोखौं हरनो
लुबैखानाय नडा बेखौं आं
मिथिंखागौ । थेवबो प्रेमनि
बेनदोंआव मेरायफब जानाय
लाय गावखौं बावलांनानै
गावनि दंनाय गैयै, हानाय
हायैखौं अनजाद खालामनो
हायाखैमोन आं ।
आंखालजों नाखेब जानाय
नख'रखौं एसे हां मोनहोनो
आरो थानानै थानायनि
दाहायाव देरहानो गोसोआव
थफ्लासे मिजिं लाना मोनसे
समाव महाराष्ट्रनि लहा
कम्पानिआव खामानि
मावनो न'निफ्राय
ओंखारलांदोंमोन आं ।
दानसे खावसे
दुदुलानायनि उनाव
अनिमानि बिमा बिफाया
बम्बेनि थाव फुं खानि
इनजिनियार रिंखां दैमारीजों

रंजालि गथ' फोरनि सौरा

दै

अर निबो बिफा आं
जिब-जुनार बिफां-लाइफांनि गाहाम जीउमा आं ।
आंखौं नागारनानै रावबो थानानै थानो हाया,
आंनि मुझ-दै
सुबुख आंनि थाखाय देरगाथाव नाथाय,
आंनिखुइ देरसिन सोर दं ?
आंनि बोथोराव सुबुंखौं खालामनो हायो आं
हालाइ-हाफाइ,
आंनि मुझ- दै ।
आंहा थि महर गैया
जि मुवायाव दोनो बेनि महर लायो आं
दैज्जां बोथोराव जावरिखाडो आं,
मेसें बोथोराव रानत्रिं लाडो आं,
बेनो आंनि गुबै आखु,
आंनि मुझ दै ।
राजुस्थान,बिहार, पानजाब बायदि राज्योआव,
मेगननिफ्राय मैदे गहोयो आं
सुबुं माहारिखौं ।
आं रावनिबो लामा गैयैजोंबो,
आंनि मुझ -दै ।
आंखौं सुबुं माहारिया सोंखारिनो हागौ,
नाथाय आं नडाब्लानो दिनाव खाना ।
आंखौं नेवसिनानै सुबुं एबा दाउमा-दाउसा
जीब-जुनार बिफां लाइफां थानानै थानो हागोन ? बे
नंखाइ,
आंनिखुइ देरसिन सोर दं
आंनि मुझ -दै ।

मुस्रि बिसनाथ मुछाहारी ।
रैमालि जुनियर कलेज, बिजनी ।
जिला - चिरां ।

अनिमानि हाबानि रादाय
खायो । अनिमाया आंनो
बाथाखौं लायजामजों
फोरमायदोंमोन ।
लायजामाव फोरमायनाय
बादिब्ला- गावलायनो
: जागोन । अनिमानि गुरै
हाबायाव गोसो गैथारा ।
आंखौं खावनानै लांफेनो
खावलाय हरदों..... ।
बे एखे समावनो आंनि
बिनानाव लायमोननिफ्राय
आं गांसे लायजाम

मावनां खामानि ।
: अनिमा, राहु लखौं
फोजादो । ओंखारनो सम
जाबाय । रिंखां दैमारीनि
खावलायनाय राव ।
गारांजों फिननाय राव ।
दसे उनाव गोलाव फेफा
सुना ट्रेनआ बडाइगाव
स्टेस'नाव लाखिबाय ।
माब्लाबानो अनिमा मोनहा
ओंखार लांबायमोन । गोजोन

हादर बिमा

एँ! अनसुलि हादर बिमा
दड, नामा नौनाव, मानिबा मुहिमा
गोबों गाबजासे हखाव हखाव
उखैहाब गांहाब देहा लानानै,
उन्दुनाय गैया, जिरायनाय गैया;
मानसि माहारि जीब जुनार ।
मा जाबायदों नों
एँ! अनसुलि हादर बिमा,
बुहुम खांथि संसारनि
जोनोम, जुलि, थैनाय,
बिफां-लाइफां जिब-जुनार
लानानै बुहुम बिखायाव
मानि दाहार सुख'दों ।
एँ! अनसुलि हादर बिमा,
गाबनाय दड मिनिनाय दड
सुखु-दुखु लाना नों अराय ।
गोजोन अख्रानि पुर्णिमा हर
खोमसि हर दान खोमसि
जेब्लायबो जौलाय गोमोरलाय
रिथि रिथा हाथरखिफोर ।
दाहा दड नौनाव बुहुम गावजासे
बांघि, सार अन्थाय, बारहुंखा,
बानानि बुसोम लानाय
गोबों बिखा गेजेर गेजेर ।
एँ! अनसुलि हादर बिमा,
गोजोन संसार बुहुम बिखानि
सुबुंनि लोगोसे माया फाख'न,
गेलेदों नों अराय ।
जोनोम, जुलि, थैनाय
खांथि बुहुम बिखानि
थाबायथा नों अराय, दागावसालां
हारि धोराम गोजोन संसार
सिबिगोन नोंखौं गोजोन अराय ।

मुस्रि उतजल कुमार ब्रह्म
गामि + ला: सो: कमलसिं
जोधोनगिरि- लिखिराम ब्रह्म
जिल्ला - कक्राझार, बि टि सि आसाम ।

बिग्रायारी

जों बिग्रायारी
जों सुथुर एनस्रिगिरि;
सोमखे बिमानि मोखांखौं
खालायगोन जौलाउआरी ।
बे मुलुगाव सोरबा
मावोब्ला हारिनि गोरोनथि,
सहायनो हाया जों
मानोबा गात्रि खांथि ।
फावसाया जों,
सुथुरनि आखायनिफ्राय,
होखार हरगोन जों
उदाखारी हानजाखौं बेनिफ्राय ।
थै ? बड'लेण्ड सोरजिग्राफोर,
गैलिया उन्दुना थानाय सम,
दा समफैबाय
जॉखिंखानायनि सम ।
दडब्ला सोरबा
उन्दु गादुरा;
हानाय नडा खालामनो
अनसुलि बिमानि मुंदांखा ।
जों मेंनो रोड,
जों जिराया,
जोंब्लावनाय अरा खामखागोन,
मोनथायनि गोजोन ग्रीत मोनथोरा
जेब्लाबो मुलुगाव देरहासारगोन ।
बड'लेण्डजों सोरजि लांथार गोन ।

मुस्रि फैलाउ कछारी ।
कला गुरु बिष्णु राभा गो:फ: अदालबारी ।
ला:सो: - गेरुवापारा ।
जिला - नलबारी ।
बैसो - 14 (जिब्रै) ।



राइज्योआव जनजातिफोरनि जिउखानाय जौगाखानायनि आयदाखौ लानानै गिबि मन्थ्रिजों सावरायलायदों मिरु मन्थ्रि अर्जुन मुन्दाया

मोखथाइरि खालामनायनि थांखिजों रइज्यो सरकारआ जनजातिफोरखौ लाफानानै रइज्योनि गासैबो थाखोनि राइजो–रजाफोरनि रंखान्थि–समाजयारि जौगानायनि थाखाय गुबुन गुबुन थांखि आजावनानै लादों। बे जथुमाव ट्राइफेडनि सामलाय बिबानगिरि थ्रिब्रि कृष्णा आ रइज्योआव गोदानै गायसनजानो गोनां बन धन बिकाश केन्द्रनि आयदाखौ मख 'नानै गिबि मन्थ्रिआ फैगौ बोसोरनि मार्च दाननि गेजेरव रइज्योनि गं 400 जनजाति गामिफोरखौ लाफानानै बेबादि बन धन बिकाश मिरुफोर गायसन्नायनि बिथिडव नांगौबादि थांखि आजावनानै लानो नांजाबफा बिफानखौ खावलायो। गिबि मन्थ्रिआ लोगोसे बुंथियोदि, बे बिथिडव जौगाखानायखौ थि खालामनायनि थांखिजों बियो नेमबादियै बेखौ सावरयलायगोन। बे बन धन बिकाश मिरुनि जोहै दिहुनजानाय मुवा–बेसादफोर बाइइ बेसेनजों रइज्यो सरस्कारआ बायगोन। रइज्योआव जनजातिफोरनि रंखान्थि–समाजयारि जौगाखानायनि हाबाफारिखौ बांसिनथारे जौगाखांहोनाय आरो बे बिथिडव जनजातिफोरनि दिहुनजानाय मुवा–बेसादफोरखौ बेबादिनारे थ्रांथिजों रइज्योआव गायसनजानो गोनां गं 5 ट्राइफुड ट्राइबे फुड पार्क गायसन्नायनि बिथांथिखौबो ट्राइफेडनि सामलाय बिथोनगिरिआ फोसावनायनि बिथिडव गिबि मन्थ्रिआ बे आयदायाव नांगौबादि गासैबो हेफाजाब मदद होगोन होन्नै बुडे। गिबि मन्थ्रिआ मिरु सरकारआ रइज्योआव गं 7 गोदानै गायसन्नो गोनां एकालब्‍य आदर्श बिद्यालयनि हाखौ थाब्रैनो गथायनो थाखायबो नांजाबफा बिफानखौ बिथोन होयो। दिनैनै सावराय जथुमआव मिरु जनजाति अन्साय बिफाननि मन्थ्रि अर्जुन मुन्दाया बुंथियोदि, रइज्योनि जनजाति सुबुंफोरनि जौगाखांहोनायनि थाखाय मिरु सरकारआ आजावनानै लानाय बिथांखिफोरखौ जाफूसार होनायनि बिथिडव रइज्यो सरकारआ नांगौबादि गासैबो रोखोमनि हेफाजाब होगोन। बियो बुंथिदोंदि, गाहाय मन्थ्रि नरेन्द्र मदिआ आसाम आरो सा–सान्जानि जौगाखानायनि बिथिडव गोनांथि होदों। बे ओन्सोलनि फासं गाहाय मन्थ्रिनि बे बिहोमा थानायनि बिथायाव जनजाति लाइमोनफोरनि थिसन्थाय खावु सोरजिनायनि थांखिजों जौगाखानायखौ बांहोनायनि थाखाय गुबुन गुबुन बिथांखि आरो हाबाफारि आजावनानै लादों। बियो बुंथिबावदोंदि, फैगौ 5 बोसोरव मिरु सरकारआ आसामआव गोबां अन्जिमायाव आदर्श गामि गायसन्नायनिबो बिथांखि लादों। दिनैनै बे जथुमावनो रइज्योनि ट्राइसेम बेननो गथायनानै होनाय बन धन माहारियारि बान्थाखौबो मिरु मन्थ्रिआ गिबि मन्थ्रि ॐ हिमन्त बिश्व शर्मानो गथायनानै होयो। दिनैनै बे जथुमआव सोलोंथाय मन्थ्रि ॐ रुजु पेगु, पन्चायत आरो गामि जौगाजां मन्थ्रि रन्जित कुमार दास, आवहावा आरो हाग्रा मन्थ्रि परिमल शुक्लबैथ्य, आबाद मन्थ्रि अतुल बग, हेन्डतुम एन्ड टेक्सटाइल मन्थ्रि इउ. जि. ब्रह्ममोनजों लोगोसे मिरु आरो रइज्यो सरकारनि गोजौ थाखोनि बिबानगिरिफोर नुजाथिफेदोंमोन। ॥

बागसा जिल्ला बर’ थुनलाइ आफादा मेट्रिक आनजादाव उथ्रिसारनाय फरायसाफोरखौ बरायदों

जेब्लायबो नाजानांगोन। बर’ बिजोंखौ फोथानानै लाखिनाया जों बयनिबो बिबान। बे बराय हाबाफारियाव जिल्लानि मादावनो टप 10 मासि आवग्रिनो हानाय गासै सा 12 फरायसा आरो बरबरी गुदि बर’ थुनलाइ आफादनि मादावनो सेथि थाखोआव उथ्रिसरनो हानाय सा 19 फरायसाफोरखौ गांफा–गांफा आरनाइ, मान बिलाइ आरो बिजाबनि थफलाजों बरायनाय जायो। लोगोसे थराइना प्रिति बसुमतारी आरो सोरजि बसुमतारीनो जिल्लानि मादावनो बांसिन नम्बर लानानै मेट्रिक आनजादाव उथ्रिसारनो हानायनि थाखाय नोगोद रंजों लोगोसे छया सहा गोसोखों बान्थाजों मान बाउनाय जायो। बाकसा जिल्ला बाथौ महासभानि आफादगिरि लक्ष्मन चन्द्र बर’आ गहाइ आलासि महरै नुजाथिनाय बे बराय हाबाफारियाव फारियै बाहगो लादोंमोन बागसा जिल्ला बर’ थुनलाइ आफादनि बारग’ आफादगिरि फारियै ह्रितेन बसुमतारी, अतुल चन्द्र स्वर्गियारी, बारग’ नेहाथारि कमल कुमार बर’, देवबार रामसियारी, बिनद स्वर्गियारी, बगानपारा गोजौ फरायसालिनि बारग’ गहाइ फोरेंगिरि नगेन्द्र नाथ रामसियारी, लोगोसे जिल्ला आफादनि गोबां बिबानगिरि आरो जिल्लानि सिडव थनाय गुदि आफादफोरनि बिबानगिरि आरो सोद्रोमाफोर बाहगो लाफैनानै हाबाफारिखौ मेहेर गोनाइः जाफूसार होदोंमोन ॥

लिरगिरि, समाज सिबियारि महेश कुमार ब्रह्मआ रुंसारि जाबाय

बर’ बाजार सिलबारि गामिनि महेश कुमार ब्रह्मआ रुंसारि जाबाय। मिथिनो मोन्नाय बादिव्ला, गोबाव सम हां सरथेनायजों भुगिनांनायाव गुवाहाटीनि हायाट हरिपतेलआव फाहामथाय होनायाव गहाम देहा मोनफिन्नायनि उनाव न'मिस लोबोनाय जादोंमोन। नाथय बिथानि देहायारि हालोदआ फिन गात्रि फासं फैफिन्नायाव बइइगवानि स्वागत हरिपतेलआव थिसन्नाय जादोंमोनब्लाबो शनिबारखालि मोनाबिलि 8 रिंगासो समाव रुंसारि जायो। जिउ बुक्चियाव बिथाइ बिजनी जिल्ला बर’ थुनलाइ आफादजों दिहुन जानाय बागदुवार थान्दै मोखां लाइसिनि मोनब्रै बिसान – 1992, 1993, 1994 आरो 1998 बोसोरनि गहाइ सुजुगिरिनि बिबान रुनुनबोदोंमोन। बेनि अनगायैबो बिथाइ लिलिनि मोदै(खन्थाइ), फाग्लि, मोदाय हिन्जाव बायदि बेसेन गोसा लिरबिदं लिरनानै थुनलाइ फोथारव गोबां बिहोमा होलादों। बेनि अनगायैबो बिथाइ दाहाल, बिसमि्ब मुनि लाइसिनिबो गहाइ सुजुगिरिनि बिबान रुनुनलादोंमोन। थानैनै थानाय समसिम बिथाइ बिजनी जिल्ला बड'लेण्ड जनजाति सुराक्षा मन्सनिबो गहाइ नेहाथारिनि बिबानाव दंमोन होन्ना मिथिनो मोम्न्नाय जादों। रुंसारि महेश कुमार ब्रह्मआ बे बुहुमाव गावनि बिसि, सानै फिसाज्जा आरो सानै फिसाजो एंगारलाडे। बिथानि अबथिरा रुंसारि जानायाव बिजनी जिल्ला बर’ थुनलाइ आफादजों लोगोसे गोबां आफादफोर गोथौ दुखु गाय्मि फोरमायदों ॥

डिमाकुसिआव लामानि जाब्रबथायाव सासे सुबुंनि जिउ खहा

होन्नानै सिनायथिदों। सुलुंनिफ्राय मिथिनाय बादिव्ला थानाय बृहस्पतिबारखालि उदालगुरि–तामुलपुर लामाजों कृष्ण भुमिसआ सा नावबान्थाआव गंनै मटर साइकेलनि गेजेरव सौग्रावलायनाय जाथाय सोमजिदोंमोन। सा नावबान्थानिफ्राय मटर साइकेलजों मोनसे दिगजोंनो फैबाय थानाय समाव ए एस 01 एउ 0372 नम्बर्नि पालसार मटर साइकेलआ उनथिंजानिफ्राय सौग्रावफैनानै धरमजुल्लिनि साधु भुमिस एबा सार्रै गथ' नि बिफा कृष्ण भुमिसखौ गोब्राबै जोखोम खालामो। जोखोम जानाय भुमिसखौ जाथायथिलिनिफ्राय डिमाकुसि पुलिस थानानि बिबानगिरि उपेन चन्द्र बर्मननि नुजाथिनायाव नाउकता देहा फाहामसालियाव थिसन्नाय जादोंमोनब्लाबो फाहामथाय होनो हायैनि थाखाय गुवाहाटी मेडिकेल कलेजिआव दैथाय हरनाय जादोंमोनब्लाबो फाहामथाय लाबाय थनाय थासारियावनो जोबथा हां बोयो। मख'नो गोनांदि उदालगुरि–तामुलपुर लामायाव मोनसेबो रिपड ब्रेकार ग्यैनि जाहोनाव बेबायदि दुखु नांथाव लामानि जाब्रबथाया सोमजिबाय थायो होन्नानै ओन्सोलनि सांग्रा नोगोरारिफोर खुंथायनिंसिम रहा लानो खावलायदों होन्नानै सुलुडव मिथिनो मोनदों ॥

डिमाकुसिआव सुबुं लांखारनायनि सायाव सांग्रांथियारि हाबाफारि खुंदों

समाजारि, हारिमुारि बिथिडव नांगौ रोखोमनि सोलोंथाइ एबा ज्ञान होनो हाब्लासो जौनि समाजा जौगाखांगोन आरो नखर–संसारव सुखि–गोजोन फैगोन। बे बाश्राखौ बुंथिदों दिमाकुसि लक्षिन्नाथ बेजबरुवा गोजौ फरायसालिनि गोरगु दिलिप कुमार हालैआ। मख'नो गोनांदि उदालगुरि जिल्ला खुंथाय आरो डिमाकुसि पुलिस थानानि बान्जायनायाव खुंनाय सुबुं लांखारनायनि सायाव सांग्रांथियारि हाबाफारि लानाय जादोंमोन। बे सांग्रांथि हाबाफारियावनो गोरगु दिलिप कुमार हालैआ गावनि बिबुंथियाव बुंबावोदि जों बयबो गिबि गिबियावनो उन्दे–उन्दे गथ'साफोरनि सायाव सोलोंथाइ होनाया जोबोद गोनाथार जाय ओन्सोलाव सोलोंथाइनि आंखाल आरो रंखान्थियारि थासरिया मोजां नइ बेफोर बायदि जायगायावनो सुबुं लांखानाय एबा उन्दे गथ'सा लांखारनाय जाथाया सोमजिफलायबाय थायो होन्नानै मख'यो। आधिखालनि गथ'सा लांखारनायखौ होबथानायनि थाखाय उदालगुरि जिल्ला चाइल्ड लाइनिन सामब्लायगिरि ललित बरुवाआ बे सांग्रांथि हाबाफारियाव बाहगो लानानै बुडोदि जौनि समाजाव गोथौ गोर्लैसोनाय ओन्सोलफोरव सुबुं लांखारराफोर रंखान्थियारि लोरबांथि आरो गोर्लै गोसोनि खावु लानानै लाइमोन सेंग्रा–सिख्लाफोरखौ खामानिफोरव थिसनहैनो होन्ना मिजिंथि होनानै गुबुन रन्ज्योयाव फान्हैबाय थानायखौ नुनो मोन्नाय जादों। जायनि जाहोनाव उन्दै बैसोआवनो गथ'साफोरि गाव–गावसिनि सिमांफोर गोसोम जोमै साग्लोबसरासनायखौ नुनो मोनदों होन्नानै मख'यो। बेराफारिथि मोजां नइ बेफोर बायदि जायगायावनो सुबुं लांखानाय एबा उन्दे गथ'सा लोरअयथा आफादगिरि बाबुल बराआ आफादगिरि मासि सामब्लायनायाव बे सांग्रांथियारि हाबाफारिनि सोमोन्दै गुवारै फोरमायथिनानै होनायजों लोगोसेनो डिमाकुसि पुलिस थानानि बिबानगिरि उपेन चन्द्र बर्मनआ ओन्सोलनि राइजो–रजाफोरजों लोगोसे जिल्लानि आयेन सिबिथाय सामब्लायगिरि नितु शर्मा, गामि रैखांथि हान्जा, जिल्ला चाइल्ड लाइनिन मावफारिया अरुप बर’, अनसुला मुसाहारी मोनजों लोगोसे आसानि आफादगिरि बाबुल पाइक, डिमाकुसि आसानि आफादगिरि उमा बारायआबो बाहगो लादोंमोन ॥

करिमगन्जआव रेलआव बार्मिस

लाबोखोमादोंमोन। लोगो लोगोनो शनिबारखालि हराव करिमगन्जनि लेइइ पुलिस बिबानगिरिनि दैदेन्नायाव पुलिसनि हान्ज्या बद्रपुर रेल जंशनआव नुजाथिफैयो। बे ट्रेनआव थानाय कम्पाटमेन्टखौ संदानो नागिरदोंमोनब्लाबो मोनफ्रोमबो पार्सेल भानआव सोल–होनाय थानायनि थाखाव मालिगाव रेल बिबानगिरिनि गनायथि दइमोन। मैया करिमगन्ज पुलिसआ मालिगाव रेल बिफाननो खोंरं दैथायहरनायनि उनाव दिनै फुडव गनायथि मोन्नानै करिमगन्जनि पुलिस बिबानगिरि पचनाभन बरुवानि दैदेन्नायाव बद्रपुर रेल स्टेसनआव पार्सेल भानखौ खुलियो। बेबादिनो बे ट्रेननि गासै मोन 15 कम्पाटमेन्टखौ खुलिनायाव 350 कुइन्टल बार्मिस सुफारिखौ बोखनों मोनो। जायनि हाथाइ बेसेनखौ 12 कौटि रं जागोन होन्नानै मिथिनो मोन्नाय जादोंमोनब्लाबो फोरसान् बादियै 6 कौटि दिन्थिनाय जायो। आसामाव बार्मिस सुफारिनि सिन्डिकेटखौ लानानै खुंथया सांग्रांथि जानायनि उनाव दालाल हान्ज्याया लाबोखोमानायनि बिथिडव गोदान बिजों सोरजिदोंमोन। जायनि फोरसानखौ मोदोंमोन बावैसो सान रिसगानों। मिथिनो मोन्नाय बादियै चीन आरो बार्मानिफ्राय सुफारिफोरखौ लाबोनानै मिजरमनि फालांगिरिआ त्रिपुरा आरो मनिपुरनि फालांगिरिफोरनो फान्दोंमोन। बे बादियै बे सुफारिफोरखौ फिन त्रिपुरा आरो मनिपुरनिफ्राय रेलनि जोहै भारतनि गुबुन गुबुन ओन्सोलसिम लाबोखोमादोंमोन ॥

कक्राझार जिल्ला बेंगिरिआ कभिड– 19 भाइरासखौ होबथानो थाखाय 100%

सुबुंफोरखौ नख'र –नख'र हबानानै भेक्सिन थुनायनि थाखाय जिल्ला खुंथाया गोखों हाबाफारि लादों। बेजों लोगोसेनो सावसि बिफान आरो गुबुन गुबुन स्टेक हल्डारफोरजों सावरायलायनानै राइजो–रजाफोरनि गेजेरव सांग्रांथियारि हाबाफारि लानायजों लोगोसे भेक्सिन थुजायै सुबुंफोरनो भेक्सिन होनांगोनि थाखाय जिल्ला बेंगिरिआ गोखों रहा लादों।

मख'जाथाव सुलुज्जनिफ्राय मिथिनो मोन्नाय बादिव्ला माखासे गोर्लैसोनाय ओन्सोलफोर बिस्वायनाय खौरंखौ लानानै राइजो–रजाफोरनि गोसोआव गिखंनाय सोमजिखोंदों। बेखौ लानानैनो बेफोर ओन्सोलफोरव भेक्सिन होनायाव हेंथा सोमजिदों। बेखौ नोजोर थिनानैनो जिल्ला बेंगिरिआ ओन्सोलनि एम एल एफेर, मावफुं सोद्रोमाफोरजों लोगोसे एम सि एल फेरनि अनगायैबो फरायसा आफादफेरनि आफादगिरि आरो गाहाय नेहाथारिजों सावरयलायनानै सुबुंफोरनि गोसोआव गिखंनाय आरो बानसवनाय बाश्राफोरखौ गुवारै फोरमायथिनो होनानै भेक्सिन लाहोनायनि हाबाफारि लानायजों लोगोसे सरसन्हा सुबुंनि गोसोआव सोमजिखंनाय गिखंनायखौ जानगरा खालामनो रहा लानांगौ होन्नानै खावलायदों। बेनि अनगायैबो मन्दिर्–मज्जिद आरो धोरेमारि थानसालिफोरव बानसावनाय बाश्रानि सायाव गेबेडे फोरमायथिनानै राइजो–रजाफोरनि गोसोखौ गिखंनायनिफ्राय उदां खालामनो नाजानायनि रहा लानोबो जिल्ला खुंथाया खावलायबवदों। लोगोसे फैगौ समफोरव मोनफ्रोमबो भट सोग्रा मिरुफोरव भेक्सिनेसन केम्प खालामनायनि रहा लानाय जागोन होन्नानैबो जिल्ला बेंगिरिआ खावलायबवदों। एर्रंथंजाय गसाइगाव आरो कसुगाव ब्लक ओन्सोलाव भेक्सिन होनायनि थाखाय सक्कारनिफ्राय गंबा मबाइल भेक्सिनेसन भेनखोंबो दैथाय हसनाय जाबाय हैन्नानै जिल्ला बेंगिरिआ मिथिहोबवदों ॥

धुबुरीआव पुलिसनि गुलिआव सासे डाकाटि थैदों

बे बाश्राखौ मिथिनानै पुलिसआ सिप्रोमनाय हाबाफारि लादोंमोन। बेयावनो पुलिसनि फैनायखौ खोंरं मोन्नानै खारनो नाजादोंमोन डाकौटिनि हान्ज्याय। जेगव बिथोनखौ मानियैआव पुलिसआ डाकटिनि हान्जानिसिम गुलि गावो। बेयावनो सासे डाकाटिआ गुलि नांजायो। लोगो लोगो गुलि नांजानाय डाकाटिखौ धुबुरी सिभिल देहा फाहामसालिसिम थिसनहैदोंमोनब्लाबो दिनै फुंजव बियो थैयो। थैनाय डाकाटिखौ सापरनि साइडार आली होन्नानै सिनायथिनाय जादों। बेराफासं खारखोमालानाय डाकाटिनि हान्जानि गुबुन सोद्रोमाफोरखौ हमनो थाखाय पुलिसआ सिप्रोमनाय हाबाफारिखौ लागसिनो दइ होन्नानै सुलुडव मिथिनो मोन्नाय जादों ॥

निमातिघाटनि नाव जाब्रथाय जानायनि सोमोन्दै सा 6 सुबुंखौ हमबाय

हमजानाय सुबुंफोर इनलेन्ड वाटर ट्रेन्सपर्ट बिफाननि मावसुमाफोरमोन। मख'नो गोनांदि, हमजानाय सुबुंफोरनि खायसेआ खोंरं बिजौनि सिगाडव पुलिसआ हमनायनि सोमोन्देआव मिथिया होन्नानै बुंदोंदि, नाव जाब्रथाय जानाय समाव बोखंनाय खामानिआवबो लोब्बा दउमोन। फार्षेथि इन्लेण्ड वाटर ट्रेन्सपर्ट बिफाननि हमजानाय मावसुमाफोरबो बिफाननि बिथोन बादियै खामानि मावनायनि आयदाखौ फोरमायथिदोंमोन। मख'नो गोनांदि, थानाय 8 सेप्टेम्बरआव निमातिघाटनिफ्राय माजुलिनि कमलाबारियाटसिम दावबानाय समाव गंसे नावआ बुर्लुबुथुरनि गेजेरवनो गंसे जाहाजजों जाब्रथाय जानायाव दावबायारिफोरजों आवुं नावआ दैयाव गोदोदोंमोन ॥

कक्राझार–चिरां जिल्ला श्रीमन्त शंकरदेब संघनि बान्जायनायाव आर'ज गाबनाय हाबाफारि खुंदों

रंबिबार्नि फुंबिलि समाव नाम न'आव भागवट गिता फरायथिनाय हौबाफारि लानाय जायो। बे हाबाफारिखौ सामब्लायदोंमोन कक्राझार–चिरां जिल्लानि शरन फोरेंगिरि भक्त बाप आरो भागवट गिताखौ फरायथियो श्रीमन्त शंकरदेब संघ बइइगाव जिल्ला कमिटिनि बारग' आफादगिरि मधुसुधन कलिता बाबाआ। बे हाबाफारियाव कक्राझार–चिरां जिल्ला श्रीमन्त शंकरदेब संघनि आफादगिरि थाकुर सिंह रय बाबा, गाहाय नेहाथारि उक्ति रय बाबा, हारिसुआरि नेहाथारि बलेन चन्द्र रय बाबामोनजों लोगोसे बे मख'जाथाव गोथार भाद्र दाननि दानसे नाइै नाम–फिटन रेजवानायनि सोमोन्दै गोथै आरो गुवारै बेखेवसात्ता होयो होन्नानै खोंरंगिरिनि सिगाडव फोरमायथिदों ॥

कक्राझारआव पन्डिचेरि मुलुग सोलोंसालिनि बर’ फरायसाफोरनि गिबि खेब लोगो हमलायनाय

मख'नो गोनांदि, बर’ फरायसाफोरा पन्डिचेरि मुलुग सोलोंसालििआव गोजौ सोलोंथाइ लानो थाखाय 1997 माइथायाव गिबि खेब मुं थिसनहैजेदोंमोन आरो बै समनिफ्रायनो दिनैसिम गोबां बर’ फरायसाफोर पन्डिचेरि मुलुग सोलोंसालिआव गोजौ सोलोंथाइ लागसिनो। मिथिनाय बादिव्ला, आधिखालाव सा 400 नि बांसिन बारग' फरायसाफोर दं। जायफोर मोनसे समाव पन्डिचेरि मुलुग सोलोंसालिनि फरायसाफोरमोन। बे लोगो हमलायनाय हाबाफारिनि गेजेरजों बाहगो लानाय बारग' फरायसाफोर बै समाव पन्डिचेरि मुलुग सोलोंसालिआव फरायनाय एबा सोलोंथाइ लानायनि रंगैथि आरो मोन्द्थिफोरखौ फोरमायथिलायो ॥

बि जे पि दोलोआव हाबखानायनि उनाव भवानिपुर बियाबनि बारग’ एम एल ए फनिधर तालुकदारआ बियावाव दाबायहैदों

मख'नो गोनांदि दिनै फुंनि 11 रिंगासो समाव फनिधर तालुकदारआ आसाम सरकारनि मन्थ्रि बिमल बग, गिबि मन्थ्रि ॐ हिमन्त बिश्व शर्मा, पार्लियामेन्टारि सेक्रेटारि जयन्त मल्ल बरुवा मोनजों लोगोसे बि जे पिनि हाब्योरथि थाखोनि माखासे दैदेनगिरिफोरजों भवानिपुर बिधान सभा बियाबनि डेनारतारि तालतल श'कआव नुजाथिफैयो। भवानिपुर बिधान सभा बियाबनि गासैबो थाखोनि दैदेनगिरि आरो मावफारिफोर फनिधर तालुकदारजों लोगोसे मन्थ्रि बिमल बग, एम एल ए जयन्त मल्ल बरुवा मोनखौ गाजा–गोमजायै बरायो। लोगोसेनो फनिधर तालुकदार, मन्थ्रि बिमल बगजों लोगोसे एम एल ए जयन्त बरुवा मोनहा डेनारतारि तालतल श'कनिफ्राय भवानिपुर जानानै खमैबो 30 किल'मिटर मटर साइकेलजों हान्जा सुरनाय हाबाफारि लायो। भवानिपुर बि जे पि दोलौनि बान्जायनायाव खुंनाय मोनसे गेवलां जथुमाव बाहगो लानानै मन्थ्रि बिमल बराआ गावनि बिबुंथियाव बुडोदि बि जे पि सरकारनि बिथांथि एबा गासैबो खामानि मावनाय हाबाफारियाव रन्ज्योजों लोगोसे भात हादोरवनो मोनफ्रोमबो थाखोनि राइजो–रजाफोरनि गोसोआव सोमोनांहोनो हादों आरो रंजानाय लाबोनो हादों। बि जे पिनि हाबाफारि सुबुं अनसायनाय, सुबुं सिबिथाय होनाय आरो कंग्रेस दोलौनि हाबाफारि गावनो लानाय–गावनो मोन्नाय, बेफोरखायदि बिथांखिनि थाखायनो आरो जौगाखानायनि रजखान्थि खालामैनि थाखायनो राइजो–रजाफोर कंग्रेस दोलोखौ नेवसिगराबय होन्नानै मख'यो। मन्थ्रि बराआ बुंबावोदि आधिखालाव भवानिपुर बिधान सभा बियाबखौ जौगाखां होनायनि थाखाय आसामनि बि जे पि सरकार गोदान गोदान बिथांखि लागसिनो दं होन्नानै मिथि होबाबो।

बेराफार्षेथि एम एल ए जयन्त मल्ल बरुवाआ रज्योयारि कंग्रेस कमिटिनि लेइय आफादगिरि जयन्त कुमार दास आरो ए आइ इउ डि एफनि बारग' दैदेनगिरिफोरखौ गोखों रवजों सोंखारिदों। बिथांजों लोगोसेनो बि टि सिनि बि जे पि दोलौनि मावफुं सोद्रोमा र्सेन्द्र नाजरीआबो बिबुंथि लाखिसुयजों लोगोसेनो बे मेलाव हास्तिनापुर गामि पन्चायटनि काउन्सिलर एबा कंग्रेसनि दैदेनगिरि बुद्धबे पाटगिरि, भवानिपुर जिल्ला परिसदनि बारग' सोद्रोमा फकरुद्दिन आहमेद, ए आइ इउ डि एफनि दैदेनगिरि मामुधरजों लोगोसे 100 निबो बांसिन कंग्रेस, बि पि एफ आरो ए आइ इउ डि एफनि मावथियारि दैदेनगिरिफोर बि जे पि दोलोआव हाबफैयो। गुबुन फार्षेथि' भवानिपुर बि जे पि आरो बारग' एम एल ए फनिधर तालुकदारआ बि जे पि दोलोआव हाबहैनायखौ कंग्रेस दोलोआ गोखों रवजों सोंखारियो। भवानिपुर राजिव भवनाव बरपेट जिल्ला कंग्रेसनि आफादगिरि आब्दुल रुहन खानआ आफादगिरि मासि सामब्लायनायाव खुंनाय मोनसे दोलोआरि मेलाव बुडोदि, कंग्रेस दोलौनि खमैबो गोबां भटआव देरहासरनो हानानै एम एल ए मासिआव जायगा आवग्रिनो हानाय फनिधर तालुकदारआ कंग्रेस आरो ए आइ इउ डि एफ दोलोखौल' फोथायखेसब' खालामाखै बबेखानि बियाबनि सरसनहा राइजो–रजाफोरनि हास्थायनाय आरो सिमांखौबो थेर बेथेर खालामदों होन्नानै गोखों रवजों सोंखारिदों। फैगौ उफ्रा बिसायख'थियाव भवानिपुर बिधान सभा बियाबनि हिन्दु राइजो–रजाफोर बिथानों भट होनाया गोजाननि बाथा, मुसलमान राइजो–रजाफोरनिफ्रायबो मानसेबो भट मोन्नाय नइ होन्नानै बुंथिनायजों लोगोसे बे बिसायख'थियाव फनिधर तालुकदारनि जेन्नाया रोखा होन्नानैबो बुंथिबावो आरो फैगौ उफ्रा बिसायख'थियाव भवानिपुर बिधान सभा बियाबन कंग्रेसनि दोलोआ देरहासारनायनि बिबार मालाखौ गानगोना रोथा जाखाबाय होन्नानैबो मख'बावो ॥

भुपेन्द्र पाटेलआ गुजरटनि गोदान गिबि मन्थ्रि सायख'जाबाय

मिरु मन्थ्रि नरेन्द्र सिं तमारआ भुपेन्द्र पाटेलनि मुंखौ फोसावनानै होयो। बेनि सिगां एमएलए हान्जानि जथुमआव आगुनि गिबि मन्थ्रि बिजय रुपाणीआ गिबि मन्थ्रि मासिनि थाखाय भुपेन्द्र पाटेलनि मुंखौ थांखिदोंमोन। फोरमायना होयोदि, भुपेन्द्र पाटेलआ पाटिदार समाजनि दैदेनगिरि। पाटेलआ गुजरटनि घाटलदिया मासिनिफ्राय आधिखालाव एमएलए जानानै दइमोन। 2017 नि बिधान सभा बिसायख'थियाव पाटेलआ रेकर्ड भटजों देरहादोंमोन। बेनि सिगां भुपेन्द्र पाटेलआ आहमदाबाद आर्बान डेपेलपमेन्ट अथ रिटिनि सियारमेनबो जाखांबाय। पाटेलआ आहमदाबाद मिडनिसिपाल कपरसननि स्टेन्डिं कमिटिनि सियारमेनबो जाखांबाय। फोरमायना होयोदि, मिरु संसदयारि मावफुं मन्थ्रि प्रहालद जशि आरो नरेन्द्र सिं तमारखौ मिरुयारि नायसंग्रा सायख'नाय जादों। गुजरटआव बिधान सभा बिसायख'थिनि सिगां गिबि मन्थ्रि बिजय रुपाणीआ गावनि मासि एंगारसायखौ राइज्यो बेंगिरि आस्वर्च देबब्रतनो गथायदोंमोन। गुजरटनि गासै 182 संसदयारि बिधान सभानि थाखाय बिसायख'थिया फैगौ 2022 माइथायनि डिसेम्बर दानआव खुंफुंजागोन। गुबुन फासं गुजरटनि एमएलए हान्जानि जथुमआव भुपेन्द्र पाटेलखौ दैदेनगिरि सायख'नाय जायो। बेजों लोगोसेनो पाटेलनि मुडइयुर्नि गिबि मन्थ्रि महरै सायख'जायो। एमएलए हान्जानि जथुमनि उनाव भुपेन्द्र पाटेलआ गुजरटनि राइज्यो बेंगिरि आस्वर्च देबब्रतखौ लोगो हमहैयो। गुजरटनि घाटलदियानिफ्राय एमएलए सायख'जानाय भुपेन्द्र पाटेलआ गाबोन एबा समबारखालि गुजरटनि गिबि मन्थ्रि महरै समायखिरा लागोन। मख'नो गोनांदि, भुपेन्द्र पाटेलआ गिबि मन्थ्रि सायख'जानायनि उनाव मिरु नख'र मन्थ्रि अमत् शाहजों लोगोसे बिजेपिनि गोज' थाखोनि दैदेनगिरिफोर हामलायथि हरदों। अमित शाहआ बुंदों, आंहा फोथायनाय दर्इदि, गाहाय मन्थ्रि नरेन्द्र मदिनि दैदेन्नाय आरो नों (भुपेन्द्र पाटेल) नि दैदेन्नायाव रइज्योनि गासैबो जौगाखानायनि दावबायनाया गोदान बिजों सोरजिजागोन आरो गुजरटआव मोजां खुंथाय आरो सुबुं अन्सायारि जौगाखानायनि आयदायाबो जौगागोन ॥

कक्राझार जिल्ला बर’ सिने आर्टिस्ट एस'सिएसननि गोदान आफादनि समायखिरा हाबाफारि लादों

हादोंमोन। कभिड–19 एबा करना भाइरसनि थाखाय बर’ सावथुन मुलुगआ गोबां गोहोम गोर्लेंदों आरो आधिखालाव बर’ सिने आर्टिस्टफोरबो गावसोरनि फाव दिन्थिनायाव जेनाजों गोहोम गोर्लेंदों। बेबादिआव बर’ सिने आर्टिस्ट एस'सिएसन (बिसिएए) नि गोदानै दाफुंजानाय कक्राझार जिल्ला आफादनि सोद्रोमाफोरा दिनै कक्राझार सहरनि बड'फा नोगोर डेडि रडआव थानाय निर्भाना गाइंनआव खुंफुंजानाय मोनसे हाबाफारिआव मासिफोरनि समायखिरा लायो। कक्राझार जिल्ला आफाद बिसिसिएनि गोदानै दाफुंजानाय आफादआव सपन कुमार ब्रह्मखौ आफादगिरि आरो हेलब्री बर'खौ नेहाथारि महरै लानानै सा 30 मावफुं सोद्रोमानि आफादखौ दाफुंनया जादोंमोन। बर’ सिने आर्टिस्ट एस'सिएसननि गाहाय नेहाथारि गुरु पबित्र बर'आ गाव–गावसिनि मासिफोरव दिनैनै हाबाफारिआव साफ्रोमखौबो समायखिरा लाहोयो। बे हाबाफारियावनो गेट थुगेदार आरो इन्टरेक्सन सेक्सन हाबाफारिबो लानाय जादों। मुंदांखा बर’ सावथुननि बिथोनगिरि आरो देंखो सुजुदिगिरि जोंदाव बड'फा, मुंदांखा फावखुंगुर मन्जिल बसुमतारि, बिकाश बसुमतरिमोनजों लोगोसे सावथुन मुलुर्गनि गोबां फावगिरिफोर दंफायोमोन दिनैनै बे हाबाफारिआव। लोगोसे फैगौ सानफोरव जुथायै जौगाखांहोनो थाखाय बर’ सावथुन जौगाखांहोनायनि बायदि आयदाफोरखौ लानानै मोनसे सावरयलायवनाय हाबाफारिबो लानाय जायो। बे हाबाफारिखौ लानानै गुरु पबित्र बर'आ बुंदोंदि, आधिखालाव रइज्योनाडैः कभिडनि थासरनि थाखाय बर’ सिने आर्सिस्टफोरा रंखान्थियारि जेनाजों मोगा–मोगि जानानै दइ। बियो रंखौबो सरकार आरो बिटिसि खुंथायनिफ्राय कभिडनि थासारिनिफ्राय रेखा मोनोन् थाखाय बर' फावगिरिफोरनो रंखान्थियारि हेफाजाब होनो आर'ज खालामदों। बे हाबाफारियावनो मुंदांखा बर’ सावथुन बिथोनगिरि जोंदाव बड'सायाबो बुंदोंदि, राइज्योनाडैः सावथुन अन्सायारिफोरखौ गोसो मोजां मोनहोनो थाखाय। बर’ सावथुन मुलुगखौ आधिखालनि गोदान मगानि टेकिन्केलजों हाबाफारि लानांगोन। बियो बुंदेंदि, राइज्योनाडैनि गासैबो सावथुन दिहुनगिरिफोर थानाय 2020 माइथायनिफ्राय कभिड–19 महामारिनि थासरनि थाखाय गोहोम गोर्लैनानै दइ ॥


बाक्सा जिल्ला आक्रासुआ मोनसे मावफुं मेल

आफादनिफ्राय मिरु आफादनि थान्दै महरै सायख'जानाय दुलाराय कच–रजबंशी फरायसा आफादनि बारग' कमिटिनि लेइइ नेहाथारि मासियाव सायख'जानाय

'थलाइबी' सावथुननि जागायजेन्नाया लासै जादौं, गिबि सानआव गासै 1.25 कौटि संखौल' आरजिनो हादौं

गोदान दिल्ली, 12 सेप्टेम्बर: फावखुंग्रि कंगना रनटनि 'थलाइबी'आ बे थानाय शुक्रबारआव रिलीस जादौं। बे सावथुनआ रुंसारि जानाय भारतीय फावखुंग्रिनिफ्राय राजखास्थि दैदेनगिरि जानाय जयललिता आरो तामिलनाडुनि बारग' गिबि मन्थि जयललितानि जिउआव बिथा खालामनाय। सावथुननि रां आरजिनायखो लानानै गिबियाव माखासे रोखोमनि हमदानाय जादौं मोन। नाथाय आथिखालआव बेनि गिबि साननि गासै आरजिनाय डायया सोराडव फेदौं जायखौं नुनानै

बेखौं बुनो हायोदि, कंगनाया बेजौं खुसि जानाय नडा। तामिलनाडुआव मोन्नाय बयनिखुइबो मोजांसिन बिजनेस बक्स अफिस इन्डियानि अन्जिमानि बायदिब्ला, थलाइबीआ फुरा भारतआव 1.25 कौटि रांनि कालेक्सन खालामदौं। सावथुनआ हिन्दी साकिटनि रुजुनायाव खोला भारतीय बाजारफोराव गोबां दिन्थिफुनो हादौं। सावथुनआ हिन्दी सेन्टारआव 20 निफ्राय 25 लाख रंखौं आरजिदौं। जेराव बयनिखुइबो बांसिन बिहोमाया दिल्ली, उत्तर प्रदेश आरो गुजरातनि। थलाइबीआ



बयनिखुइबो साबसिन हादौं, जेराव गिबि सानावनो 80 लाख रांनि बक्स अफिस तामिलनाडुआव दिन्थिफुनो

कालेक्सन खालामदौं। सावथुनआ अन्ध प्रदेशआव माखासे जर'खा जाफुंसारनो हायाखै, मानोनो जायगानि सावथुन सीटीमार'आ बाजारआव दख'ल खालामदौं। थलाइबीआ बावैसो समाव रिलीस जानाय शाना-ची एन्ड दा टेन रिस, फास्ट एन्ड फ्युरियस 9, चेहे आरो बेलबटमनि बायदि महाराष्ट्र आर रिलीस जायाखैमोन। मानोनो राइज्यो सरकारआ नैथि कभिड-19 दोहौनि उननिफ्राय सिनेमा हलखौं फिन खुलियाखै। अक्षय कु मारनि बेलबटमआ सिनेमाहलफोरखौं खुलिनयनि उनाव रिलीस जानाय गिबि गिदिर् बलीउड सावथुन जादौं। बक्स अफिस इन्डियानि बायदिब्ला सावथुनआ 2.5 निफ्राय 2.75 कौटि रांनि कालेक्सन खालामदौं। फारसेथिं फास्ट एन्ड फिउरियास 9 आ 1.75 कौटि रांनि कालेक्सन खालामदौं। ट्रेड एनालिस्ट तरण आदर्श आ फोरमायदौंदि, मार्वलनि शाना-चीआ गिबि सानआव 3.25 कौटि रंखौं आरजिदौंमोन।

कतरे के किलाड़ी 11 नि बादायारि अभिनब शुक्लाया नमिनेट जाबाय



गोदान दिल्ली, 12 सेप्टेम्बर: कतरों के किलाड़ी 11 आव आथिखालाव फाइनालनि फारसे आवगायबाय। बे श्वनि सेमि फाइनालनि सप्ताहया जागासिनो दं। शनिबाराव दिन्थिनाय एपिसडआव विशाल आदित्य सिं श्रुता तिवारी आरो

अभिनब शुक्लानि गेजेराव एलिमिनेशन स्टेज जायो। बे स्टेन्टा बास्केल बल बादिमोन। जेराव गोजाँआव दोन्नाय मोनसे प्लेटफर्मआव गसंनानै बादायारिया बलखौं बास्केटआव सोनंगौमोन। बे स्टेनआव थोब 5 बलखौं प्लेटफर्मआव दोन्नाय

जादौंमोन। बेनि अनगायै माखासे बलखौं नेटआव आलायना दोन्दौंमोन। बादायारिया बलखौं मोनसे मोनसे लानानै बैयाव थानाय बास्केटआव सोहेनगौमोन। बयनिबो गिबियै विशाल आदित्य सिंआ बादायदौंमोन।

नाथाय बियो बलखौं मोनसेबो सोनो हायाखै। बिनि उनाव श्रुता आरो अभिनबआ बादायदौंमोन। विशालआ बे बादायनायाव 6 मिनिट 12 सेकेन्ड सम लादौंमोन श्रुताया 9 मिनिट 32 सेकेन्ट आरो अभिनबआ गिबि बलखौं सोनायनि सिगांनो प्लेटफर्मनिफ्राय गाहायाव गोलैदौंमोन। मख'जाथावदि, बे बादायनायाव सासेबो बादायारिया बलखौं सोनो हायाखै नाथाय अभिनब शुक्लाया बादानायखौं फुरा खालामनो हायैनि जाहोनाव शनिफ्राय बाइजोआव थानाओ। फारसेथिं अभिनबआ एलिमिनेट जानायनि उनाव दिव्यांका त्रिपाठि, अर्जुन बिजलानी, विशाल आदित्य सिं, श्रुता तिवारी, सना मकबुल, बरुण सुद आरो रहलु बैचाआ सेम जायो। मख'नो गोनांदि, फावखुंग्रि दिव्यांकाया सिगांआवनो फाइनालाव थांखौंबाय। कतरों के किलाड़ी 11 आ जागायजेन्नायनिफ्रायनो अभिनब शुक्लाखौं गोखौं बादायारि मानिनाय जादौंमोन। जागायनायनिफ्रायनो बियो मोजाडै दिन्थिफुनोमोन, नाथाय सेमि फाइनालआव आउट जाबाय।

सुशान्त सिं राजपुतखौं बावनो हायाखै अंकिता लखन्डेआ

गोदान दिल्ली, 12 सेप्टेम्बर: टिभिनि फावखुंग्रि अंकिता लखन्डेखौं थाबैनो पबित्र रिस्ता सिजन 2 आव नुनो मोनसिगोन। बिखौं श्व'नि सिगांनि सिजनआवबो नुनो मोन्दौंमोन। बेयाव अंकिता लखन्डेआ रुंसारि फावखुंग्रि सुशान्त सिं राजपुतजौं बे श्व'आव फाव खालामदौंमोन। बे श्व'आव बिसोरो मानब आरो अर्चनानि आखुआव फाव खालामदौंमोन, जायखौं नायगिरिफोरा जोबोद मोजां मोन्दौंमोन। आथिखालनि पबित्र रिस्ता-2 आव सुशान्त सिं राजपुतनि फावखौं फावखुंग्रि शाहीर शेखआ खालामदौं। बे श्व'खौं थाबैनो अटिटि प्लेटफर्मआव नुनो मोनसिगोन। बावैसो सिगांनि सानआव फावखुंग्रि अंकिताया ईराजी वेबसाइट टाइम्सजौं बाथा सावरायदौंमोन, जेराव बियो पबित्र रिस्ता-2 आरो सिजन-1 नि रुंसारि फावखुंग्रि सुशान्त सिंजौं बाराहोनाय समफोरखौं गोसो खानानै बाथा बुंदौं। बेयाव अंकिता लखन्डेआ गाव सुशान्त सिंनि बुंनाय



रावफोरखौं गोसोखाडो। अंकिता लखन्डेनियव सौंथि सौंनाय जादौंदि, पबित्र रिस्ता-2 आव शाहीर शेखजौं रमास्टिक सिनिनि सुटिं खालामनायाव बियो माबादि सेलेन्सजौं मोगा-मोगि जानांदौंमोन। बेनि फिन्नायाव अंकिताया बुंदौंदि, बे बादि जेबो जर'खा बाथा गैया। सासे फावगिरि महरै आं खालि सुशान्तजौंल' खामानि मावयाखै, गुबुन फावखुंग्रिफोरजौंबो खामानि मावदौं आरो सासे फावगिरि महरै जुदि गोथौ स्मास्नि फाव खालामनागौ होना बुडोब्ला

आं बेखौंबो मोजाडैनो फाव खालामगोन। बेयो फावगिरिफोरनि खामानि। सोरखीबा मानबनि महाराव नुयोब्ला एसे गोसोआ बागदाव खाडोमोन, नाथाय जेब्ला स्क्रिप्टखौं फरायो आरो बेयाव अर्चना-मानब लिरनायखौं नुयोब्ला, मानबनियव आं सुशान्तनि माबोरै बाथा बुंवावनो। बेनि अनगायैबो अंकिता-सुशान्तनि सोमोन्दै गोबां बाथा सावरायदौं। मख'जाथावदि, 2009 आव पबित्र रिस्ता सिजन-1 आ फेदौंमोन। बे श्व'खौं एकता कापुरआ बिथोन होदौंमोन।

गाहाम देहानि राहा

मोखानि खोमोननिफ्राय रेहाय मोनो थाखाय बे मोनथाम हममेड फेस पेकखौं आजावना लानो हागोन

गोदान दिल्ली, 12 सेप्टेम्बर: मोखानि खोमोनखौं बयबो मोजां मोना। बेनिखायनो जुदि न'याव थानाय मुवा-बेसादफोरखौं बाहायनायजौं बे खोमोनफोरनिफ्राय रेहाय मोनो हायोब्ला बयनिबो गोसोयाव बे राहाखौं आजावना लानो गोसो जानाया बारायो। बिदिब्ला जौं दिने मोखानि खोमोननिफ्राय रेखा मोनो थाखाय न'याव माबोरै फेस पेक बानायो बेनि सोमोन्दै मिथिना लानि-



मोखाडव कटन (तुला) नि मदतजौं एप्लाइ खालामना बेखौं खमैब्लाबो 20-30 मिनिटनि थाखाय रानहो। बेबायदि खालामनायजौं मोखानि खोमोननिफ्राय जानगाराव थानो हागोन। 2. मैथु आरो हाल्दै: न'याव मैथु आरो हाल्दैजौं बानायनाय पेस पेकजौं कम्पलेक्सन आरो स्किननि टेक्साआ मोजां जायो। बेनि थाखाय मैथुखौं उन्नानै बेयाव सामससे हाल्दै पाउडर होना गलायना मोखाडव फुन्ना मोजाडै मासाज खालामना बेखौं 10 मिनिटनि थाखाय मोखाडव एप्लाइ खालामनो हागोन।

3. बेसन, हाल्दै आरो गुलाब जल: बे इनग्रेडिएन्टआ मोखानि खोमोनखौं खारहोनायनि थाखायल'नडा। अदेबानि बेयो स्किननि थाखायबो मुलाम्फा गोनां जायो। बेयो स्किनखौं गुरै आरो ग्ल' खालामो। बेनि थाखाय बेसन आरो हाल्दैखौं समान-समान बिबाडै गुलाब जलजौं लोगोसे बेनि मोनसे पेस्ट थियारि खालामना बेखौं मोखौं सुनानै फुन आरो खमैब्लाबो 15-20 मिनिटनि थाखाय रानहो। बेनि उनाव मोखांखौं मोजाडै सुनानो।

गोसोम गाबनि सुंद' ड्रेसआव सुहाना खाननि ग्लेमार्स आखुखौं नुनो मोन्दौं

गोदान दिल्ली, 12 सेप्टेम्बर: शाहरुख खाननि फिसाजो सुहाना खानआ थारैनो सावथुनफोराव एन्टी जायाखै नाथाय सशेल मिडियाआव बिनि फेन फलईआ सोरबा सुपरस्टारनिफ्राय खमसिन नडा। बे जाहोनि थाखायनो बिनि सावगारिफोरा सोराडव फेनाय लोगो-लोगोनो भाइरेल जायो। शनिबाराव सुहानाया गाबनि इन्स्टाग्राम एकाउन्टआव मोनसे सावगारिखौं पस्ट खालामदौं जाय खोरडाव थादौं। सुहानाया गाबनि बे गोदान सावगारियाव अखाफोरखौं नायनाय नुनो मोन्दौं। सुहानाया गाबनि इन्स्टाग्राम स्टरीआव मोनसे समायना सावगारिखौं शेयार खालामदौं। सावगारियाव बिखौं गोबां मोजाडै अखाफोरखौं



नायनाय नुनो मोन्दौं। सुहानाया फेन्सफोरनो गाबनि निउयर्कआव थानाय न'नि मोनसे नुथायखौंबो दिन्थिदौं। सावगारियाव बिखौं गंसे सफायाव जिरायनाय नुनो मोन्दौं। गोसोम गाबनि फिसा ड्रेस गानाय सुहानाखौं गाबनि

खानायफोरखौं उदाडै हगारदौं। बियो जेबो केप्सन लिरालासे सावगारिखौं शेयार खालामदौं। सुहानाया बावैसो समाव गाबनि हेन्डेलआव मोनसे सावगारिखौं पस्ट खालामदौं जेराव बिखौं गाबनि एपार्टमेन्टआव गंसे सफायाव

गोलांनय नुनो मोन्दौंमोन। बिखौं गोसोम गाबनि क्रप टप आरो लुस पेन्ट गानाय नुनो मोन्दौं। बे समाव बियो गाबनि न'नि खिरखिनि बायजोयाव गसंनानै गोबां मोजाडै नायहरदौं। शाहरुख खाननि फिसाजोआ आथिखालआव निउयर्क इडनिभासिटीआव सावथुन डाइरेक्सननि सोलौंथाय लागीसिनो दड। बियो गाबनि बिफानि आगानजौं हाथिफानो थाखाय आबुडै थियारि जादौं। मानोनो बियो फाव खालामनानै गाबनि के रियारखौं बानायनो हास्थायदौं। सोलौंथाय लानायखौं फुरा खालामनायनि उनाव बियो सावथुनफोराव फाव खालामगोन।

प्रियंका चपड़ा आरो लारा दत्तनि गोलोनि सोमोन्दोआ गोबां बोसोर जाबाय

गोदान दिल्ली, 12 सेप्टेम्बर: बलीउड फावखुंग्रि प्रियंका चपड़ाया माखासे स्टारफोरजौं गोबां मोजाडै लोगोनि सोमोन्दोखौं लाखियो। प्रियंका चपड़ाया माखासे फावखुंग्रिफोरजौं लोगोसेबो जर'खा सोमोन्दो आरो बन्डखौं शेयार खालामो। बिसोर फावखुंग्रिफोरनि गेजेरावनो सासे लारा दत्तनि मुडाबो फेयो। फावखुंग्रि लारा दत्त आरो प्रियंका चपड़ाया गावजौं गाबनि गोबां मोजां लोगो। बिसोर सानैनि लोगो जानाया गोबां बोसोर बारलांबाय नाथाय बन्डिआ सिगांनि बायदिनो दड। बावैसो समाव बिसोरनि मोनसे लोगोनि जाहोनखौंबो



नुनो मोन्नाय जादौं। प्रियंका चपड़ाया गाबनि हाबाफारियाव जेसेबांखि नांथाबा, नाथाय बियो गाबनि लोगोफोर आरो फेन्सफोरनि थाखाय समखौं दिहुनो। प्रियंकाया सम-सम सशेल

मिडियानि गेजेरजौं साफ्रोमजौंबो सरजाबानानै थायो। बावैसो समाव प्रियंका चपड़ाया लन्दनआव गाबनि गोजाम लोगो लारा दत्त आरो बिनि फिसाजो जौं लोगोसे हमदौं। बे लोगो

हमनायाव प्रियंका चपड़ाखौंबो गोबां खुसि जानाय नुनो मोन्दौं। बियो सशेल मिडियाआव लारा आरो बिनि फिसाजो जौं लोगोसे सावगारि शेयार खालामदौं। प्रियंका चपड़ाया गाबनि मावख'आरि इन्स्टाग्राम एकाउन्टनि गेजेरजौं मोनसे सावगारिखौं शेयार खालामदौं। बे सावगारियाव लारा दत्त, प्रियंका चपड़ा आरो लारा दत्तनि फिसाजोखौं नुनो मोन्दौं। बे सावगारिखौं शेयार खालामनानै प्रियंकाया केप्सनआव लिरदौं 21 बोसोर आरो फेनो गोनां माखासे बोसोर...लोगोआ बै सोमोन्दो, जायनि बाथाखौं जायखिजाया समाव सिगांनि बाथाफोरखौं

रायखानो हायो....लारा दत्त आरो बिनि बयनिखुइबो जोथि जौनाय हाथरखि। सायरा नौं थारैनो गाबनि बिमानि फिसाजो। गोबां अन्नाय, बिनिफ्राय आं गोबां अन्नायखौं मोन्दौं आरो गोबां गोसोखांथाव सम... प्रदीप गुहा नौंथांखौं गोसोखांदौं। मख'नो गोनांदि, प्रियंका चपड़ा आरो लारा दत्तया 2000 आव मिस इन्डिया पेजेन्टनि बाहागो जादौंमोन। बे पेजेन्टनि उननिफ्रायनो बिसोर सानैया मोजां लोगो जादौं। बे कन्टेस्टआव प्रियंका चपड़ाया मिस वर्ल्ड आरो लारा दत्तया मिस इडनिभासिनि बिजाबखौं मोन्दौंमोन। फारसेथिं मिस इन्डिया पेसेफिकनि बिजाबखौं दीया मिर्जाया मोन्दौंमोन।

गुजरातनि गिबि मन्थ्रिया सोर जागोन ?

आहमदाबाद, 12 सेप्टेम्बर: बिजय रुपाणीआ गिबि मन्थ्रि बिबानखौ नागरनायनि उनाव गुजरातनि गिबि मन्थ्रिया सोर जागोन बेयो मोनसे गिदिर सोंथि। लेडाइ गिबि मन्थ्रि नितिन पाटेल, रइज्योनि आबाद मन्थ्रि आर सि फल्टु आरो मिरुनि मन्थ्रि पुरषतम रुपाला आरो मनसुख मान्डबिया विथांमोननि मुंआ गोदान गिबि मन्थ्रि जागोननि फारिलाइआव दं। रुपाणीआ बिबान एनगरनायनि उनाव नितिन पाटेलखौ गिबि मन्थ्रि बानायनो सशेल मिडियाआव गोबां दोहो नुनो मोन्दे। फारसेथिं गोहोम गोनां पाटीदार हारिनफ्राय

फैनाय मिरु सावसि मन्थ्रि मान्डबियाखौबो गिबि मन्थ्रि मासिनि बादायलायनायाव आवगायआव दं होन्नानै मानिनानै लानाय जादों। बेनि मोनसे गिदिर जाहोना बेबोदि, बियो गाहाय मन्थ्रि मदिनि अनगाथै मन्थ्रि अमित शाहजोंबो मोजां सोमोन्दो दड। करना इनफेक्सन गोसानाय समाव मान्डबियाआ गुजरातनि बिजेपि सरकारनि सावगारिखौ मोजां खालामनायाव गोबां खामानि मावदोंमोन। फारसेथिं पाटीदार समाजनि अनगाथै कडवा आरो लेउआ पाटेल हारियावबो बिहा गोहोम दड। आथिखालनि गुजरातनि लेडाइ गिबि मन्थ्रि

बिबानाव थानाय नितिन पाटेलआबो 6 खेब एमएलए जाबाय आरो 30 बोसोरसिम राजखान्थियाव हाबाफारि मावबोबाय। 1990 आव गिबियाव बियो गुजरात बिधान सभानि एमएलए जादोंमोन। आथिखालाव मिरुनि फोबों जिब -जुनात फिसिनाय डेयरि मन्थ्रि पाटीदारनि मुंआबो गोखोडेनो मख जादों गुजरातनि गिबि मन्थ्रि बिबाननि थाखाय बियो 1980 आव बिजेपिआव हाबजेना राजखान्थियाव आगान होजोन्दोंमोन आरो अमरेली बिधानसभा बियावनिफ्राय बियो खेब थाम एमएलए जाबाय। फासेथिं सिआर

पाटिलआबो गाहाय मन्थ्रि मदिनि फोथायजाथाव दैदेनगिरि। गुजरातनि बिजेपिआ 2022 नि बिधानसभा बिसायख 'थिनि सिगां सा 281 सोद्रोमानि जम्ब हाबाफारि मावग्रा हान्जाखौ दादों जायनि फुरा बिबाना पाटिलनियाव दड। गरधर जडफियाआबो गुजरात बिजेपिनि गोखों दैदेनगिरिफोरनि सासे बियो 2002 नि दाड-बाजिनि समाव बै समनि झडफिया रइज्यो सरकारआव नख 'र रइज्यो मन्थ्रि मोन। अदेबानि गुजरातनि गिबि मन्थ्रिया जायखि जाया दैदेनगिरिया जायामानो बनि सिगाडव 2022 नि बिधान सभा बिसायख'थिनि गिलिर बिबान दं मानोना फेगो बोसोराव जानो गोनां बिसायख'थियाव बिजेपिया कंग्रेस आरो आम आदमी पाटिलनिफ्राय गोखों सेलेन्स मोनगोन। 2017 नि बिधान सभा बिसायख'थियाव बिजेपिया गुजरातआव सरकार दादोंमोनल्लोबो नाथाय कंग्रेसनि दिन्थि फु 'नाया बो मख'जाथावमोन। फारसेथिं करना भाइरास। करनानि नैथि दोहोनि समाव हाइकर्टनिफ्राय गुजरात सरकारनो सांग्रांथि होनाय जादोंमोन। करनाजों थैनायफोरनि अन्जिमाखौ लानानै दावराव दावसि जादोंमोन। बेनि जाहोनावबो बार्ग गिबि मन्थ्रिनि रुपाणीनि हाबाफारि मावनायखौ सुबुंफोरो जेनाफोरनि गेजेराव गोदाने बिबान लानो गोनां गिबि मन्थ्रिनि हाबाफारि मावनाया सेलेन्स गोनां जानो हागौं।

पाकिस्तानआ काबुलनि थाखाय कमार्शियेल फ्लाइटफोरखौ गोदानै सामलायनो जागायफिनसिगोन

इस्लामाबाद, 12 सेप्टेम्बर: पाकिस्तान इन्टारनेसेनेल एयरलाइन्स (पि आइ ए) आ फोसावदोंदि, बियो समबारनिफ्राय काबुलनि थाखाय फालांगिरिनि उरां जाहासफोरनि सामलायनायखौ गोदानै जागायफिनो थांखि लादों। पि आइ एनि सिइअ अरशद मालिकआ शनिबारआव बे खौरंखौ होदों। मालिकआ बुंदोंदि, गिबि उरां जाहासआ समबारआव इस्लामाबादनिफ्राय आफगानिस्ताननि राजथावनि काबुलनि थाखाय ऑंखारबोगोन। काबुलआव तालिबाननि दख 'ल खालामनायनि उनाव बेयो गिबि उरां जाहास जागोन। पि आइ एनि बिबानगिरिया बुंदोंदि, काबुलआ उरां गाथोनआव उरां जाहासनि बाग्लायफैनायनि थाखाय गनायथिखौ आफगानिस्ताननि नोगोरारि उरां जाहास अट'रिटीनिफ्राय होनाय जादों। बेनि गेजेराव पि आइ एनि बुंथिगिरि आबुल्ला हाफोज खानआ बुंदोंदि, पाकिस्तानआ उरां जाहासखौ सामलायनो थाखाय गासिबो तेकनिकनि गनायथिखौ मोनबाय आरो मोनसे एयरबेस ए 320 जेटआ दावबायारिफोरखौ



इस्लामाबादनिफ्राय काबुलआव लांनाय जागोन। थानाय दानआव काबुलआव तालिबाननि दखलनि उनाव पि आइ एआ आफगानिस्ताननि राजथावनियाव गावनि अभियानखौ अरायथि नडै महरै गायसन्दोंमोन।

गुजरातआव राजखान्थियारि गिदिर जेना, सिएमआ बिबान एंग्लायबाय

गान्धीनगर, 12 सेप्टेम्बर: गुजरातआव गिदिर राजखान्थियारि जेनाया नुजाथिदों। बेयाव सिएम बिजय रुपाणीआ बिबान एंग्लायबाय। बिथाडा शनिबारखालि रइज्यो बेंगिरिजों लोगो हमनानै गावनि बिबान एंग्लायनायनि लेखा बिलाइखौ गथायो। बेनि गेजेरजों बिजय रुपाणीआ गुजरातनि सुबुंफोरो आरो पाटिलि दैदेनगिरिफोरनो साबायखर बाउयो। बिथाडा बुडो, मिरुआरि नख 'र मन्थ्रि अमित शाहनिफ्राय आं जेब्लाबो मदत मोन्दे। आंनि बिबान एंग्लायनायजों सोखा सासे गोदान दैदेनगिरिआ बे बिबानखौ सामलायनायनि



खाबु मोनगोन। आंनो 5 बोसोरनि थाखाय बिबान होदोंमोन आरो बेनो आं बायदि मावसुमानि थाखाय थोजासे होन्ना बिथाडा बुंदों। बिथाडा बुंवावदों बिजेपिआ जानो गोनां बिसायख'थियाव गोखोडेनो गेलेगोन आरो बिसायख'थियाव देरहानोबो हागोन। आंनो बे बिबानखौ

होनायनि थाखाय आं गाहाय मन्थ्रि मदिखौ गोसोजों साबायखर बाउयो। पाटिआ आलादा-आलादा समाव बिबानफोरखौ सोलायबाय थायो आरो बेनि थाखायनो आंनो बिबानखौ एंग्लायबाय। गासै सुबुंफोरो खौसे जानानै गुजरातनि जौगाखांनायनि थाखाय खामानि मावगोन।

9/11 उतखारि गाग्लोबनायाव सौदी आरब सरकारनि आखाय दंमोन नामा ?



वाशिंग्टन, 12 सेप्टेम्बर: 9/11 उतखारि गाग्लोबनायाव सौदी आरब सरकारनिबो आखाय दं नामा आरो सौदी सरकारआ उतखारिफोरनो फान्ड खालामदोंमोन नामा ? बे सोंथिनि सायाव दिनै फेसालिखौ बोखारना होबाय।

दोनखोमाना दोन्नाय जादोंमोन। बावैसो समनि सप्तहायाव दुखु मोन्नाय नखरफोरा बाइडेननि सायाव बिथांखि लाइखौ फोसावनो नासिनदोंमोन। बिसोरो गोबाव समनिफ्राय बै रेकडखौ फोसावनो दाबि दैखांदों जाय निउयार्कआव सोलिबाय थानाय बिसोरनि केसआव मदत गोनां फोरमान जानो हागौं। बिसोरो सौदी आरबनि गाग्लोबनायाव हेफाजाब होदों होन्नानै दाय जावसिन्दोंमोन। सौदी आरब सरकार जायखि जाया गाग्लोबनायजों था फा दे रनाय खौ नेवसिगारबोबाय थादों। वाशिंग्टनआव सौदी मावखआ बुंदोंदि, गासिबो बिथांखि लाइ फोसावनायखौ हेफाजाब होयो जाहाथे गावनि सरकारनि हेंथायै दाय जावसिन्नायआ अराय समनि थाखाय जोवनानै थाडे।

खोला चीनआव करना भाइरासनि गोहोमजों पुतियन शहाराव बास आरो ट्रेन सिबिथाया थाबथाबाय

बेइजिं, 12 सेप्टेम्बर: खोला चीनआव करना भाइरासआव आरो खनसेबाव आगान खोखलैबाय। भाइरासनि गोहोमखौ होवथानो थाखाय बास आरो ट्रेन सिबिथायखौ होवथानाय जाबाय। बेजों लोगोसे सिनेमा, बार आरो गुबुन सुबिधाफोरखौबो बन्द खालामनो बिथोन होनाय जाबाय। बेनि गेजेरजों शंघाइनि खोलाहा 29 लाख थागिबि थानाय पुतियन शहरनिफ्राय बाइजोयाव थांग्राफोरनि थाखाय दावबायनायनि सिगां 48 घन्टानि करनानि नेगेटिभ रिपट दिन्थिनांगोन। चीनआ थानाय



2020 जागायजेन्नाय लोगो लोगो भाइरासनिफ्राय गावखौनो उदां जाबाय होन्ना फोसावदोंमोन। नाथाय बेजों

बायदिल्ला डेल्टा इनफेक्सननि बांसिन केसखौ रुस, म्यान्मार आरो गुबुन हादतफोरनिफ्राय फैनाय दावबायारिफोरनाव मोनो। माहारियारि सावसि बिफाननि बायदिल्ला, पुतियनआव थानाय 24 घन्टानि गेजेराव गोदान इनफेक्सननि सा 19 केसखौ रिकर्ड खालामनाय जायो। बेनि जाहोनाव बेमार होवथानाय हाबाफारिखौ नोजोर होनो थाखाय जर'खागिरिफोरखौ पुतियनआव दैथाय हरनाय जायो। ग्लेबल टाइम्सनि बायदिल्ला पुतियनआव गोदान इनफेक्सननि गिबि केसखौ

जियानयु काउन्टिनि फरायसानाव मोन्दोंमोन। नाथाय जर'खागिरिफोरा सन्देह खालामोदि, फरायसालि बिफा, जाय बावैसो समाव सिंगापुरनिफ्राय फैफिन्दोंमोन, बेनिफ्रायनो भाइरासआ बेयाव फैयो। बे दावबायारिखौ 14 सानसिम आइसलेसनआव लाखिनाय जादोंमोन आरो 9 खेब निउक्लिक् एसिड आरो सिरलाजिके ल टेस्ट खालामदोंमोन, जेराव गासिबो नेगेटिभमोन। नाथाय थानाय शुक्रबारखालि नाइबिजिरनायाव बिनाव करना पजिटिभ मोनो।

केरेलानि धोरोमारि हाबाफारियाव सेन्देल गान्नायखौ लानानै जानाय दावराव-दावसिनि उनाव फावखुंग्रिखौ ग्रेप्टार

गोदान दिल्ली, 12 सेप्टेम्बर: केरेलायाव गंसे गोदो-गोदायनिफ्राय सोलिबोनाय नावयाव सेन्देल गान्नानै गाखोनायनि उनाव मन्दिरीनि नेमखान्थिफोरखौ सिफायनायनि दायवाव नायबिजिरनायजों मोगा-मोगि खालामबाय थानाय मालायालम टिभि सिरियालनि सासे फावखुंग्रिखौ थानाय शनिबारखालि ग्रेप्टार खालामो। ग्रेप्टार खालामजानायनि उनाव



फावखुंग्रिनि फिन होनायखौ थिसन्ना लानाय जायो। पुलिसआ फोरमायनाय बायदिल्ला, फावखुंग्रि निमिष आरो सावगारि सेबखानायग्रा बिखों मदत खालामग्रा लोमोनि फिन होनायखौ थिसन्नाय जाबाय। बिखों थानायव जागिमन होनायै रिहाय खालामना होबाय। पुलिसआ बुडोदि सिगाडव जों केस थिसन्दोंमोन। बेनि सानसे सिगां फावखुंग्रि निमिषाआ बुधबारखालि फन आरो सशेल मिडिया प्लेटफर्मनि गेजेरजों सिनाय मोनै सुबुंरायनाय आरो हुमखि होनायनि अजद दिखांदोंमोन। बे फावखुंग्रिनि

तालिबानआ आइजोफोरनि सायाव आरोबाव मोनसे अनखांदों

गोदान दिल्ली, 12 सेप्टेम्बर: आफगानिस्तानआव तालिबाननि सरकारनि खुंथायआ जागायनायनिफ्रायनो बियो गावनि आखुखौ दिन्थिनो जागायदों। आथिखालनि समाव सोलेंथायआ जेराव साफ्रोमबो सुबुनि मोन्थाय जादों। बेखौ तालिबानआ आफगाननि आयजोफोरनो अन्नायनि महराव होदों। तालिबानआ आयजोफोरनो गोजौ सोलेंथाय लानायनि

गनायथिखौ होदों नाथाय माखासे शतखौबो लाखिदों। गोदान तालिबान सरकारआव गोजौ थाखोनि सोलेंथाय मन्थ्रिनि बुंनाय बायदिल्ला आयजोफोरा पस्ट ग्रेजुएट लेभेलसिम इडनिभासिफोराव फरायनो हागोन, नाथाय थाखो खथाया हौवाफोर आरो आयजोफोरनि थाखाय आलादा जागोन आरो इस्लाम धोरामनि खसाबखौ गान्नांगोन। आफगानिस्ताननि गोदान खुंथायनि गेजेरजों


सरकारनि दाफुनायनि माखासे सानफोरनि उनाव रबिबारआव मोनसे खौरंगिरिफोरजों मोगा-मोगि जानायाव मन्थ्रि आबुल बाकी हक्कानीआ गोदान नेमखान्थिफोरखौ बानायदों। हक्कानीआ बुंदोंदि, इडनभासिटीनि फरायसाफोरा हिजाव गान्नांगोन। नाथाय बियो बेखौ फोरमायाखैदि, बेनि ओंथिया मोनसे हेडस्कार्फ 'ल जागोन ना बिसोरो फुरा महर मोखांखौ



खोबनांगोन। बियो बुंदों जों हौवाफोर आरो आयजोफोरखौ लोगोसेयै फरायहोनाय नड आरो गावारि सोलेंथायनि गनायथि होनाय नड। इडनभासिटीफोराव फोरोंनाय आयदाफोरखौ बो नायबिजिरनाय जागोन। मखनो गोनांदि, आगुनि खुंथायनि समाव तालिबानआ मिउजिक

क्रिस्टियान रनाल्डो मेच गेलनाय लोको लोकोनो इंग्लिस प्रिमियर लीगआव गिबि थाखोआव मेन्चेस्टर इउनाइटेडआ थार्दो

मेन्चेस्टर, 12 सेप्टेम्बर: मेन्चेस्टर इउनाइटेडआ 12 बोसोरनि उनाव गावनि गोजाम क्लाब मेन्चेस्टर इउनाइटेडनि थाखाय स्टाइकार क्रिस्टियान रनाल्डो नैथि बादायलायनो थाखाय फोथारव आगान खोखलै जे बलानो फारफामिथिजायनिफ्रायनो रनाल्डो, रनाल्डो सोदोब बुनायखौल' खोनानो मोनयो। रनाल्डो नैथि बादायलायनायवबो इउनाइटेडनि बाखायगिरिफोरनि गोसोखो सिफायारखे आरो गरने गल सोनानै टीमखौ निउकेसलनि हेँथायै 4-1 जौ देरहा होदो। रनाल्डो मेच गेलेनाय लोको लोकोनो मेन्चेस्टर इउनाइटेडनि टीमा इलिस प्रिमियर लीगनि दासिमाव खनबै बादायलायनायनि गेजेराव थामथि खेब देरहानायजौ



लोकोसे 8 पइन्ट लानानै फारिलाइआव गिबि थाखोआव थार्दो। मुंदांखा गेलेगिरिफोरनि नम्बर -7 जासि गान्दानै फोथारव फेनाय रनाल्डो गोबां गोखौ नुनो मोन्नाय जादोमोन। इउनाइटेडनि टीमा जागायजे न्नायनिफ्रायनो निउकेसलनि सायाव नासिन्दोमोन। गिबि हाफआ जोबनायनि उनाव इन्जुरी

टाइमआव इउनाइटेडनि मेसन ग्रीनबुडआ निउकेसलनि गलपस्टथिजाय बक्सनि बायजोनिक्राय गलखौ जोहरो। जायखौ गलकिपार फ्रेडी बुडमेनआ होबथानो हायाखे आरो गल सोनो नाजानायआव बेवहाय गसना थानाय रनाल्डोआ खबु मोन्नाय लोको लोकोनो गलखौ पस्टनि सिडव जोहरो। नैथि हाफआव 1-0 स्कर

लानानै मेच गेलेनाय इउनाइटेडनि हेँथायै निउकेसलआ गोखोडै मेचखौ गेलेयो आरो 56 थि मिनिटआव जेबियार मेनक्विलआ गलखौ सोनो हायो। मोननैबो टीमनाव 1-1 स्करआ समान जानायनि उनाव 62 मिनिटआव रनाल्डोआ सिन्फ्राय गलखौ सोनानै स्करखौ 2-1 खालामो। रनाल्डो गल सोनायजौ इउनाइटेडनि टीमआ मेचआव गोखोडै गेलेयो आरो बिसोरनिफ्राय 80 मिनिटआव बून फार्नान्डिजआ गल सोयो। बेनि उनाव नैथि हाफनि इन्जुरी टाइम 90+ 2 मिनिटआव पेसे लिगाईआबो गल सोनानै मेचनि स्करखौ 4-1 खालामो। गुबुन फार्सेथिजाय निउकेसलनि गेलेगिरिफोर इउनाइटेडनि डिफेन्सखौ होबथानो हायाखे आरो बियो जेन्नायजौ मोगा-मोगि जानादो।

गाहाय मन्थि मदिआ टकिय पेरालिम्पिकआव मेडेल देरहागिरिफोरजौ सावरायलायदो

गोदान दिल्ली, 12 सेप्टेम्बर: भारतआ टकिय पेरालिम्पिकआव मोजाडै मेच लेगेना दिन्थिफुन्दो 19 था मेडेलखौ देरहादो। बेवहाय गं 5 गलड 8 सिल्भार आरो 6 ब्रन्ज मेडेलखौ देरहादो। बिसोर गेलेगिरिफोरा भारतआव फेफिनन्नायव गाहाय मन्थि नरेन्द्र मदिआ बिसोरखौ लोको हमदो। मदिआ बुंदो भारतीय पेरा एथलीटफोरा टकियआव मोजाडै दिन्थिफुन्दो। इयुनावबो बिसोरो मोजाडै दिन्थिफुन्दो। 130 कौटि हादतनि सुबुंफोरा पेरा एथलीटफोरजौ लोकोसे दंफायो। गाहाय मन्थिखौ लोको हमनाय गासिबो गेलेगिरिफोरा बुंदो बयो गावसोरनि थाखाय गौरखौ मोन्दांथनाय सम। गेलेगिरिफोरा बुंदो गावसोरखौ गिबियाव बिकलांग बुडोमोन। गाहाय मन्थिआ गावसोरखौ



दिव्यांग बुंनानै गावसोरनि सन्मानखौ बांहोदो। पेरालिम्पिकनि समाव गुबुन हादतनि एथलीटफोरा भारतनि गाहाय मन्थिआ गावनि एथलीटफोरजौ बाश्वा सावरायनानै साहस बांहोनायखौ

नुनानै गोमोदोमोन। सन्मान फोर्बोआव टकिय पेरालिम्पिकआव मेडेल देरहायै गेलेगिरिफोराबो सौहेदोमोन। गाहाय मन्थिआ बिसोरनि सिगाडाव बुंदोदि, मेडेल देरहायैखौ लानानै गोसोआव

दुखु मोननायखौ गोसोनिफ्राय दिहुनहरदो। नोँथामोनहा मोजाडै गेलेनानै दिन्थिफुन्दो। बेनो हादतनि थाखाय गौरखनि बाश्वा। गाहाय मन्थिआ बुंदो भारतीय पेरा एथलीटफोरा टकियआव भारतनि मानखौ बांहोदो।

करनानि जाहोनाव मेन्चेस्टर टेस्टखौ दोनथ'नाय जायाखै: इंग्लेन्ड क्रिकेट

गोदान दिल्ली, 12 सेप्टेम्बर: भारत आरो इंग्लेन्डनि गेजेराव गेलेनाय मोन 5 मेचफोरनि टेस्ट सिरिजनि जोबथा बादायलायनायखौ दोनथ'नायनि उनाव जेना सोमजिदो। बिसिसिआइआ खौरो होदोदि, सिरिजनि 5 थि टेस्ट मेचखौ आथिखालनि थाखाय दोनथ'नाय जावाय, जायखौ उनाव गेलेनाय जागोन। इंग्लेन्ड क्रिकेटआ बुंदो जाय मेचखौ गेलेनाय जागोन बेयो मोनसेल' टेस्ट मेच जागोन, जायना बे सिरिजजौ जेबो सोमोन्दो थानाय नडा। इसिबिनि सिइआ टम हेरिसनआ बुंदो बयो आलादा रोखोमनि थासांरि। जौनो माखासे थांखि लानायखौ होदो, जायनि सायाव सावरायनाय जागोन। बे मेचखौ करना भाइरासखौ गिखानायनि जाहोनाव दोनथ'नाय जायाखै। नाथय बेजौ मा जागोन बेखौ सान्नायनि जाहोनाव बे मेचखौ दोनथ'नादो। बियो बुंदोदि, भारतीय गेलेगिरिफोरनि गोसोयाव मोजाखौ मोन्दांथिहोने थाखाय आरो बुजिहोने थाखाय गासिबो रोखोमनि नाजानाय जादो। मोन 5 मेचनि सिरिजआव



भारतआ 2-1 जौ सेप्टेम्बरनिफ्राय जागायजेनो नागिरनाय आइपिएलनि नैथि सिजेननिफ्राय जानागार जानानो हागो। खनसे जेब्ला ड्रेसिं समआव टेन्सनआ हाबयोब्ला बेनिफ्राय बायजोयाव ओंखार बोनाय जेना गोनां जायो। 5 थि मेचखौ दोनथ'नायनि उनाव बि सि सि सि आ इ नि फ्राय फोसावनाय बिबुंथियाव बुंदो मोन्ने बर्डआ इयुनाव मेचखौ थि खालामना लाखाबायमोन। बिसोरनि नुंयुवै जिगा सिनायआ बे मोनदि जुदि मेचनि समाव सोरबा गेलेगिरिखौ पजिटिभ मोनब्ला बियो इंग्लेन्डआव क्वारन्टाइन थानांगोन आरो 19

भारतआ 2-1 जौ सेप्टेम्बरनिफ्राय जागायजेनो नागिरनाय आइपिएलनि नैथि सिजेननिफ्राय जानागार जानानो हागो। खनसे जेब्ला ड्रेसिं समआव टेन्सनआ हाबयोब्ला बेनिफ्राय बायजोयाव ओंखार बोनाय जेना गोनां जायो। 5 थि मेचखौ दोनथ'नायनि उनाव बि सि सि सि आ इ नि फ्राय फोसावनाय बिबुंथियाव बुंदो मोन्ने बर्डआ इयुनाव मेचखौ थि खालामना लाखाबायमोन। बिसोरनि नुंयुवै जिगा सिनायआ बे मोनदि जुदि मेचनि समाव सोरबा गेलेगिरिखौ पजिटिभ मोनब्ला बियो इंग्लेन्डआव क्वारन्टाइन थानांगोन आरो 19

एम्मा रादुकानुआ इउएस अपेन 2021 टाइटेल्खौ देरहाबाय



निउयार्क, 12 सेप्टेम्बर: इंग्लेन्डनि लाइमोन आयजो टेनिस गेलेगिरि एम्मा रादुकानुआ इउएस अपेन उमेन सिंगोलनि बिमुंखौ गावनि मुं खालामदो। एम्मा रादुकानुआ फाइनालाव कानाडनि लेला फार्नान्डिस्खौ फेजेनानै बिमुं देरहानानै गिबि ब्रिटिश आइजो जानायनि गौरबखौ मोननो हादो। एम्मा रादुकानुआ निउयार्कनि आर्थर एशस्टेडियमआव खुंनय फाइनालाव कानाडनि बादायारिखौ थौंजो सेटआव 6-4, 6-3 जौ फेजेन्दो। इउएस अपेनआ गावनि टुइटाइर हेन्डेलआव लिरदो 53 बोसोरसिम नेनानै थानाय समा जोबबाय। एम्मा रादुकानुआ 1968 नि उन्निक्राय इउएस अपेन देरहानाय गिबि इलिस आइजो जादो। ब्रिटेननि महारनि एलिजाबेथआ मोनसे बिबुंथियाव रादुकानुनो बिनि जाफुसारायाव

गाहाम हामलायथि बावदो आरो बुंदोदि, बिनि बे देरहानाय गोबां नाजानाय आरो बावसोमनायनि फोस्मान। इउएस अपेन टेनिस चेम्पियनसिफ देरहानायआव नोँथानि जाफुसारायनि थाखाय ओं गाहाम हामलायथि बावहरो। खम बैसोआव बेबादि जाफुसारायनाय आ मख'जाथाव। नोँथानि मोजाडै गेलेनानै दिन्थिफुनायआ बादायारि लेला फार्नान्डिज आरो गासिबो टेनिस गेलेगिरिफोरखौ गोसोआव थुलुगाखौ होगोन। ब्रिटेननि गाहाय मन्थि बरिश जनसनआ ड्रटआव बुंदो रादुकानुआ मेचआव सरासन्ना नडै सोलोखौ दिन्थिदो। बियो ड्रट खालामदो एम्मा रादुकानुनो गाहाम हामलायथि बावहरो। गावनि सरसन्ना नडै सोलो, आयेन आबुथि आरो साहसखौ बियो दिन्थिदो। जौ गासिबो नोँथानि सायाव गौरबखौ मोन्दांथियो।

आइपिएल 2021 पार्ट-2 नि थाखाय हिन्दी आरो इलिस कमेन्टेरसनि मुंखौ फोसावबाय

गोदान दिल्ली, 12 सेप्टेम्बर: आइपिएल 2021 पार्ट टुनि थाखाय हिन्दी आरो इलिस कमेन्टेरखौ फोसावबाय। आथिखालाव क्रिकेट फेन्सफोरा लाइभ मेचजौ लोकोसे कमेन्टेरसनि बाश्वा बुंनयनि रंजानाय बाजानायखौ लानो हासिगोन। हिन्दी कमेन्टेरनि पेनेलाव गौतम गम्भीर, इरफान पाठान, आकाश चप्रा, पार्थिव पाटेल, किरन मरे आरो निकिल चप्रा नि मुडा दंला, गुबुन फार्सेथिजाय इलिस कमेन्टी पेनेलाव सुनिल गावस्कर, हर्षा भगले, मुरली कार्तिक आरो केबिन पीटरसन बादिनि मुंफोरा दं। आइपिएल कमेन्टी पेनेलाव सन्जय मांजरेकरखौ लाफादेरनाय जायाखै। आइपिएल 2021 नि जागायजे न्नाया 19 सेप्टेम्बरनिफ्राय जागोन। जेराव बिनि फाइनाल बादायलायनायआ 15 अक्टूबराव जागोन। आइपिएल 14 थि सिजेननि नैथि बाहागोन



थाखाय हिन्दी कमेन्टी पेनेलाव गासै 9 कमेन्टेरसखौ लाफादेरनाय जादोब्ला इलिस पेनेलाव गासै सा 14 कमेन्टेरसखौ लाफादेरनाय जादो। इलिस कमेन्टी पेनेलाव भारतनि सा 6 इलिस सा 3, निउजिलेन्डनि सा 2 जेराव अस्ट्रेलिया वेस्ट इन्डीस आरो जिम्बाबेनि सासे सासे कमेन्टेर दंफा देरो। आइपिएल 2021 नि इउएइ लेगआव गासै 31 खेब बादायलायनाय जागोन। बेनि

सिगां बे लीगनि 29 मेचखौ भारतआव गेलेनाय जाखंबाय। भारतआव बे मेचफोरखौ खुंनयनि उनाव कभिड-19 इनफेक्सनआ बांनयनि जाहोनाव लीगखौ 4 मेआव दोन्थनाय जादोमोन। बेनि उनाव बिसिसिआइआ बेखौ इउएइआव खुंनो यजना बानायदोमोन। आइपिएल 2021 खौ खुंनयनि उनाव टी 20 वर्ल्ड काप 2021 खौ खुंनय जागोन।

बाक्सानि सुबनखाटायव उदांश्री काप प्राइजमानी जोलुर बादायलायनाय

बाकसा, 12 सेप्टेम्बर: बाकसा जिल्लानि भारत-भुटान सिमाना सेरनि सुबनखाटायव थानाय 10 सेप्टेम्बरनिफ्राय नर्थ:इस्ट कलाब, सुबनखाटानि बान्जाइनायाव सोलिबाय थानाय उदांश्री काप प्राइजमानी फुटबल गेलेनाय बादायनायनि दिनेनै ब्रैथि गेलेनाया राभा हास स्पर्टस

एससियेसन आरो दैमालु एफ सि, बरपेटा रडनि गेजेराव गोबां नारा-नाथाद जुजिलायनायखौ नुनो मोन्नाय जादो। बे नारा-नाथाद जुजिलायनायनि गेजेरावगो गिबि हाफआव राभा हास स्पर्टस एससियेसनआ

दैमालु एफ सि, बरपेटा रडखौ से गल सोनानै हान्जाखौ देरहानाय फारसे दावगाहोयो। बबेखानि बेनि लोको लोकोनो फिन से गल होबावनानै हान्जाखौ देरहासारथारनायनि फारसे दावगा होदोमोनब्लाबो

4-0 गलाव दैमालु एफ सिनि देरहाबाय



नैथि हाफआव मोननेबो गलखौ सुखनायनि जाहोनाव खेला सामलायगिरिया टाइब्रेकारनि मदत लानो गोनां जायो। टाइब्रेकाराव दैमालु क्लाबा 5-4 गलाव देरहानानै नैथि राउन्डआव हाबनो हायो। गाबोननि गेलेनो गोनां हान्जाफोरा जादो कबिरालि स्पर्टस क्लाब, उदालगुरि आरो आइ आर बि एन, सराइमारनि गेजेराव।

टी-20 वर्ल्ड कापनि थाखाय श्रीलंकानि टीमखौ फोसावबाय

गोदान दिल्ली, 12 सेप्टेम्बर: श्रीलंका क्रिकेट बर्डआ जानो गोनां आइसिसि मेन टी-20 वर्ल्ड काप 2021 नि थाखाय सा 15 सोदोमा थानाय टीमखौ फोसावबाय। बे टीमखौ दसुन शनाकाआ दैदेनगोन। जाय भारतनि हेँथायै नखरारि सिरिजनिफ्राय टीमनि केप्टेन बिबानखौ सामलायदो। श्रीलंकानि टीमआ 18 अक्टूबराव नामीबियानि हेँथायै गिबि बादायलायनायआव गुप

ए मेचआव अबु धाबीआव गावनि अभियानखौ जागायजेनगोन। श्रीलंकाआ आयालेन्ड आरो नेडारलेन्डजौबो बादाय लायनांगो। बे टीमआव निररान डिक्बेला, कुसल मेन्डिस आरो दनुष्का गुनाथिलाकानि मुडा गैया। मानोना जुलाइआव इंग्लेन्डआव दावबायनायाव कभिड-19 प्रकलखौ सिफयनायनि थाखाय बिसोरखौ श्रीलंका क्रिकेट बर्डआ 1-1 बोसोरनि थाखाय



होबथादोमोन। जोखोम जानायनि उनाव गाहाम जानानै बारग' केप्टेन कुसल परेया फैफिन्दो।

खोला आफ्रिकानि हेँथायै गिबि मेचआव टी 20 हारिमायारि क्रिकेटआव बादाय लायनायव

हेनरिक क्लासेनखौ आउट खालामग्रा आफस्पिनर महेश थीक्षानाखौ टीमआव लाफनाय जादो। बे लाइमोन गेलेगिरिआ बे सप्ताहनि जागायजेननायाव गावनि वान्दे डेब्युआवबो मोनब्रे उइकेट लादोमोन। टीमव थाफादेरनाय गुबुन सासे स्पिनरआ जादो प्रबिन जयनिक्रमा, जाय बे बोसोरनि जागायजेननायाव हारिमायारि क्रिकेटआव बादायलायदोमोन। बानिन्दु हसरांगायबो टीमनि बाहागो।

कच सौम्यदीप रायनि हेँथायै मनिका बत्रानि मेच फिक्सनि दाय जाबसिन्नायखौ नायबिजिरनो समितिखौ दाबाय

गोदान दिल्ली, 12 सेप्टेम्बर: भारतीय टेबल टेनिस महारांशआ मनिका बत्रानि गेजेरजौ नेशनेल कच सौम्यदीप रायनि हेँथायै मेच फिक्सनि दाय जाबसिन्नायखौ नायबिजिरनो थाखाय सा 5 सोदोमाफोर थानाय समितिखौ दाफुंदो। टिटिएफआइ आफादगिरि चिरन्जीव चौधरीखौ समितिनि आफादगिरि बानायनाय जादो। बे समितिआ 6 सप्ताहनि गेजेरावनो रिपर्टखौ होगोन। बेवहाय सानै उकिल जानेन्द्र जैन आरो पार्थ गस्वामीनि अनगायै यशपाल रानायबो दंफा देरो। टिटिएफआइनि हाबाफारि मावग्रा समितिनि बार्चुएल जथुमाआव बे थांखिखौ लानाय जादो। मनिकाआ दाय जाबसिन्दोदि, रायआ मार्चआव क्वालिफायरनि समाव गावखौ मोन्थिखानानैबो मोन्थिखायै बादि मोनसे मेचखौ जेनो थाखाय बाश्वा बुंदोमोन। बेनि जाहोनावनो टकिय अलिम्पिकनि समाव गाव सिंगेल मेचआव बिनि मदतखौ लायाखेमोन। टिटिएफआइ सेक्रेटारि अरुन बेनार्जीआ जथुमानि उनाव बुंदोदि, दहाआव जानो गोनां एशिया चेम्पियनसिफनि थाखाय टीमखौ 16 सेप्टेम्बरआव सायख'नाय जागोन। टीमआव बै सुबुंफोरागल थाफादेरगोन, जाय नेशनेल केम्पआव बाहागो लादो। मनिकाआ दासिमबो केम्पआव बाहागो लायाखे।